

臨川集

古詩
律詩

七之十六

					漢書門類
			一一七	一一三	號
			一一三	一一一	函
			一一三	一一一	架
			一一二	一一一	冊

內閣文庫		
三五函	一一七	漢書
一六架	一一三	號
	一一一	函
	一一一	架
	一一一	冊

內閣文庫		
番號	漢	11731
冊數		12()
函號	315	77



淺草文庫



臨川先生文集卷之七

古詩

董伯懿示裴晉公平淮右題名碑詩用其韻和

酬

用王微之韻和酬即事書懷

和仲求即席分題得庶字

出鞏縣

書任村馬舖

蒼蘊作巫山高愛其飄逸因亦作兩篇

而風

夕雨



和王勝之雪霽借馬入省

和吳冲卿鷓鴣樹石屏

送李宣叔倅漳州

送裴如晦宰吳江

韓持國從富并州辟

寄吳冲卿

韓持國見訪

思王逢原

登景德塔

和劉貢甫燕集之作

寄王逢原

寄正之

思古

惜日

送裴如晦即席分題三首

董伯懿示裴晉公平淮右題名碑詩用其韻

和酬

元和伐蔡何危哉朝廷百口無一諧盜傷中丞偶不死利
劍白日投天街裹瘡入相議軍旅國火一再更檀槐上前
慷慨語發涕誓出按撫除睽乖指搗光顏戰酒曲闕如怒
虎搏虺豺翹能捕虜取肝鬲護送密乞完形骸營兵夜半
投死地雲濕不敢燃薪黥空城豎子已可縛中使尚作嘍

兒哇退之道此尤雋當鏤玉牒東燔柴欲編詩書播後
嗣筆墨雖巧終類俳唐從天寶運中祀廟廟往往非忠佳
諸侯縱橫代割據疆土豈得無離孤德宗末年懲戰禍一
矢不試塵蒙鞞憲皇初起衆未信意欲立掃除昏霾追還
清明救薄蝕屢勅主府拘窮蛙王師傷夷征賦窘千里亦
已辜蓋差小夫偷安自非計長者遠慮或可懷桓也 晉
公忠且壯時命適與功名皆是非末世主成敗烜赫今古
誰談排賢哉幸純議北赦倉卒兩伐尤難皆重華聲明彌
萬國服苗干羽舞兩階宣王側身內脩政常德立武能平
淮昔人經綸初若緩欲棄此道非吾儕千秋事往蹤跡在
嶽石款記如湘崖文嚴字麗皆可喜黃埃蔽沒蒼蘚埋當

時將佐盡豪傑想此丘禱陪祠齋君曾西遷為拓本遷廟
割蜜親廟指新篇波濶特浩蕩把卷孰讀迷津涯賢祭
善自為美當桂廟壁為詩牌

用王微之韻和酬即事書懷

秦惜逝者臺晉嘉良士休古人皆好樂哀此歲月適嗟我
抱愁毒殘年自羈囚但為免得蹄非復天上鷗雖知林塘
羨欲往輒回輒名園一散策笑語隨觥籌探題遠梅花高
詠接應劉宿雨洗荒漸寒蛟沈老湫公洄信畫舸歸路子
城幽冬風不改綠忽見新陽浮歡事去如夢嘉時念難留
明發得君句謂將續前遊語我飲倡樂不如詩獻酬淮洲
秦鍾馨雅刺德不循文墨有真趣荒淫何足收來篇信時

女窈窕衆所求茲理儻可諧華簪為君抽

和仲求即席分題得庶字

刀筆漫無營圖書紛不御平生携手人邂逅賞心處名卿
邵朱邑膚使超嚴助都官富篇章博士熟經據豈特好微
言又多知大慮從容故天幸侖儻盡人譽千艘來交荆萬
舸去揚豫良無此嘉客式飲吾所庶

出鞏縣

昭陵落月煙霧昏篝火度谷行山根投鞭委轡涉數村籍
出鞏縣城東門向來宮闕不可見但有洛水流渾渾

書任村馬鋪

兒童繫馬黃河曲近岸河流如可掬任村炊米朝食魚日

暮榮陽驛中宿投老經過身獨在當時洲渚今平陸秋黍
冥冥十數家仰視荒蹊但喬木水盤羨羨客自知起看白
水還東馳爾來百口皆年少歸與何人共此悲

葛蘊作巫山高愛其飄逸因亦作兩篇

巫山高十二峯上有往來飄忽之援榛下有出沒瀟灑之
蛟龍中有倚薄縹之神宮神人處子水雪容吸風飲露虛
無中千歲寂寞無人逢邂逅乃與襄王通丹崖碧嶂深重
上白月如日明房襲象牀玉几來自從錦屏翠慢金芙蓉
陽臺美人多楚語祇有纖腰能楚舞爭吹鳳管鳴鼉鼓那
知襄王夢時事但見朝上暮上長雲雨

二

巫山高偃薄江水之滔滔水於天下實至險山亦起
伏為波濤其巖冥冥不可見崖岸斗絕悲援深赤楓
青擦生蕭谷山鬼白日無人盡窈窕陽臺彼神女朝
朝暮暮能雲雨以雲為衣月為褚乘光服宿無留阻
崑崙曾城道可取方丈蓬萊多伴侶
塊獨守此嗟何求况乃低何夢中語

西風

少年不知秋喜聞西風生老大多感傷畏此蟋蟀鳴
况乃捨親友抱病獨遠行中夜卧不周惻惻感我情
起視天正黑弱雲亂縱橫似有叢雪飄不復呈斗明
時節忽如此重令壯心驚諒無同二變人樽酒安可傾

久雨

煤始著天無寸空白洗上岸吹魚龍義和推車不出
得河伯欲取山為宮城門晝開眼石賈亂孫得惜夜
浦翁老人慣事少所
怪首屋箕踞歌南風

和王勝之雪霽借馬入省

泥水填馬不受轍瓦雪得火猶藏溝宿霧紛紛度城關

氣凜凜吹衣裘窮閣閉門無一客剝啄驚戎有前驕強隨
傳呼出屋去鼻息凍合髭繆繆投韁馬影任歌側欲出操
垂手還抽行思江南悲故事溪谷冬暖花常流前年臘歸
三見白霽色嶺上班班留杖藜此時將邑子登眺置酒身
優游豈如都城今日事祇恐一曠為親憂因知田里駕款
段昔人豈即非良謀君家洛陽名實大談笑枯稿回春柔
平生意氣故應在白髮未敢相尋求從容退食想佳節豈
無歌聲相獻酬奈何亦作苦寒調歎息朝夕無驛騶超
然遂有江湖意滿紙為我書窮愁相如正應居客右子路
且莫棄梓浮

和吳冲卿鷓鴣鳴樹石屏

和吳冲卿鷓鴣鳴樹石屏

寒林昏鴉相與還下有跋石蒼屏顏曾於古圖見髮髯已
怪刀筆非人間君家石屏誰為寫古圖所傳無似者鴉飛
歷亂止且鳴林葉慘七風煙生高齋日午坐中見意似落
日空上行君詩雄盛付君手云此非人乃天巧嗟哉渾沌
斲乾坤至造作萬物醜妍巨細各有理問此誰主何其精
恢奇譎詭多可喜人於其間乃復雕鑿刻畫出智力欲與
造化追相傾拙者婆七尚欲奮工者固已窮夸矜吾觀鬼
神獨與人意異雖有至巧無所爭所以號山間埋沒此寶
千萬歲不為見者驚吾又以此知妙偉之作不在百世後
造始乃與元氣并畫工粉墨非不好歲久剝爛空留名能
從太古到今日獨此不朽由天成世人尚奇輕貨方山珍

海怪揜揜今欲索此屏後出為君得胡賈欲價著不識吾
知金帛不足論當與君詩兩相直

送李宣叔倅漳州

關山到漳窮地與南越錯山川鬱霧毒瘴厲春冬作荒茅
篁竹間蔽虧有城郭居人特鮮少市井宜蕭索野花開無
時蠻酒持可酌窮年不用客誰與分杯杓朝廷尚賢後磊
砢充臺閣君能喜節行文藝又該博超然萬里去識者為
不樂予聞君子居自可救民瘼苟能禦外物得地無美惡
似聞最南方北客今勿藥林麓換風氣獸蛇凋毒蠹如漳
猶近州氣冷又銷鏐珍足海物味其厚不為薄草舉馬甲
柱固已輕羊酪蕉黃荔子丹又勝楮梨酢逢衣比多士往

往在丘壑從容與笑語豈不慰寂寞太守好觴詠嘉賓應
在幕想即有新詩流傳至京洛

送裴如晦宰吳江

霜一作澤與天杳旁臨無限情他時散髮處最愛垂虹亭
飄然平生遊捨我戴吳星欲往獨不得都門看楊舸到縣
問疾苦為子求所經營知耕牧地往上芙蓉青三江斷其
二泮水何由寧微子好古者此歌尚誰聽

韓持國從富并州碎

韓侯水王人不可塵土雜官雖衆俊後名字又司
下望撫士威愛愜千金棄不惜賓客常滿閣選聞
韓風高焉
子置一榻親交西門餞百馬驕雜選子材宜用世談
者為鳴喑矧今名主人氣力足可欲推賢為持國勢

若朽易拉會當薦還朝立子在閭闔惜哉秣驥賦以升
龠合咨予栖栖者氣象已摧塌他年佐方州說將尚不納
沉於聲勢尊豈易取酬答有如持寸莛未足感鞶鞶顧於
山水間意願多所合匡廬與韶石少小已嘗踰風遊會稽
春雪宿天柱臘淮湖江海上慣食蝦蟹蛤西南窮岷嶓東
北盡濟滌身雖未嘗歷魂夢已稠沓荆溪最所愛映燭多
廟塔溪果點丹漆溪花團綉罽扁舟信所過行不廢禱禱
一從捨之去霜雪行滿頷思之不能寐感若虫蚋嗜方將
築其濱畢景謝尊嗜安能孤此意願倒就衰颯唯子余所
嚮嗜好比鷓鴣何時歸相過遊展尚可蠟

寄吳冲卿

物變極萬殊心通繞一曲讀書謂已多撫事知不足與居
語承華念此非不夙恨無數頃田歸耕使成熟當官拙自
計易用忤流俗窮年走區上得謗大於屋歸來汗省舍又
繼故人躅相逢祇數步吏按常填目切磋非無傷阻闊嗟
何速孤危失所助把卷常恨獨虛名終自誤謬息何見蹙
清明有冲卿奧美如胸叔時謂當選并屈指尚五六揆才
最不稱饗寵寧無感殷勤故人書紙尾又見勗君雖好德
言我自望忠告易稱動不括傳論大明服進為非成材罪
恐不容贖歲殘東風生陝樹塵翳麴何緣一杯酒談笑相
追逐

韓持國見訪

余生非匏瓜於世不無求弱力憚耕稼衣食當周流起家
始二十南北今白頭愁傷意已敗罷病恐難江湖把一節
屢乞東南州治民豈吾能閒辟庶可偷謬恩當徂冬電勉
始今秋豈敢事高蹇茫然非本謀撫心私自憐御屋竊歎
愀強騎黃飢馬欲語將誰投賴此城下宅數家故人留攬
衣坐中庭仰視白雲浮白雲御西風一七向滄洲安得兩
黃鵠跨之與雲遊

思王逢原

自吾失逢原觸事輒愁思豈獨為故人撫心良自悲我善
孰相我孰知我瑕疵我思誰能謀我語聽者誰朝出一馬
驅暝歸一馬馳七驅不自得談笑強追隨仰屋卧太息起

行涕淋漓念子家上土草茅已紛披婉七婦且少榮七一女
娶高義動閭里尚聞致財貲差我衣冠朝略能具饘糜
葬祭無所助哀顏亦何施聞婦欲北返跛子常望之寒沐
已閉口此行又參差又說當產子產子知何時賢者宜有
後固當夢能罷天方不可恃我願適在茲我疲學吏誤與
世不相宜宿昔心已許同罔結茅茨此事今已矣已矣尚
誰知渺七江與潭茫七山與陂安能久竊食終負故人期

登景德塔

放身千仞高北望太行山巴屋如蝻冢蔽虧鹿麋霧間
念此屋中人當復幾人閑雞鳴起四散暮夜相與還
物物各自我誰為賢與頑賤氣即易凌
貴氣即難攀愧予心未齊俯首一破顏

和劉貢甫燕集之作

馮侯天馬壯不羈韓侯白鷺下清池劉侯羽翰秋欲
擊吳侯龍萼春爭披沈侯王雪照入紫蕭灑已見江
湖姿唯子貌醜駭公等自鏡亦正如蒙俱忘形論交
喜有得杯酒邂逅金良時心親不復異新舊便脫巾
履相諧嬉空堂無塵小雨定濃綠駉水浮秋蟻高談
四坐掃炎熱木末更送涼風吹此歡不盡忽分散明
月照屋空參差平明餘清在心耳洗我重得劉侯詩
劉侯未見聞已熟吾友稱誦多文辭才高意大方用
世自有豪俊相攀追咨子後會恐不數魂夢久向東
南馳何時扁舟却顧我還欲迎子遊山陂

寄王逢原

北風吹雲埋九垓草木零落空池臺六龍避逃不敢
出地上獨有寒雀鬼披衣起行愁不愜歸坐把卷闔
且開求懷古人今已矣感此近世何爲哉申韓百家
焚火起孔子大道寒於灰儒衣紛七欲滿地無復氣
焰空煤始力排異端誰助我憶見夫子真奇材鞭撻
豫章槩白日祇要匠石聊穿裁我方官拘不得往子
有閑暇宜能來晤言相與入聖處一取萬古光芒迴

寄正之

少時已感韓子詩東西南北俱欲往新年尤覺此語
悲恨無羽翼超惓惓肺肝欲絕形骸外涕洟白落衣

中上此憂難與世共知憶子論心更惆悵

思古

古之士方窮行已去貴大臣公聽采左右不得蔽
或從蒿藜間入據廟廟勢小夫不敢望云我非其景
朝遊雋者羞看出逢者避所以後世愚人願高位

惜日

白日照四方當在中天留春風地上行當與時周遊
和氣所被拂槁乾却濕柔愛欲傳萬物勢難停一州
棲棲孔子者惜日此之由不能使此邦利澤施諸侯
豈若駕以行使我遇者稠當時三千人齊未楚陳州
小者傳吾粗大能傳奧幽道散學以聖衆源乃常流

吾初如匏瓜彼亦孰知丘唯士欲自達窮通非外求
暨必相天子乃能經九疇行雖耻強勉閉戶非良謀

送裴如晦即席分題三首以然消塊惟
別兩已為韻擬

而惟字
韻作

飄然五湖長昨日國子師綠髮約略白青衫欲成緇
牽舟推河水去與山水期春風坐虹亭一抔湖上持
傲兀何賓客兩忘我與而能復記此飲詩成酒淋漓

二

十月款水冰問君行何為行不顧斗米自與五湖期
平生湖上游幽事略能知此後君最樂窮年得游嬉
彩鯨杭波濤風作鱗之而鳴鼓上洞庭笑着紅橘棗

漢漠大梁下黃沙吹酒 應憐故人愁回首一相思

三

邂逅君子堂一盃相與持便應取酩酊萬事不足惟
平明蔡何風回首成差池獨我漫浪者尚得行相追
磨刀鱠嚴冬宿昔少陵持還當捕鱸魚載酒與我期
甫里松菊盛洞庭棋橘垂文章為我唱不數陸與皮

臨川先生文集卷之七終

臨川先生文集卷之八

古詩

兩馬齒俱壯

春從沙磧底

晨興望南山

結屋山澗畔

朝日一暴背

黃菊有至性

少狂喜文章

三戰敗不羞

少年見青春

白日不昭物 草端無華滋 一日不再飯 秋枝如殘人
青丘西門視 天下不用車 山田久欲折 聖賢何常施
散髮一扁舟 道人北山來

今日非昨日

秋日不可見

騏驎在霜野

悲哉孔子沒

秋庭午吏散

秋日在梧桐

我欲往滄海

前日石上松

日出堂上歛

兩馬齒俱壯

兩馬齒俱壯自驕十里材生姿何軒也或是龍之媒一馬
立長衢顧影方徘徊一馬裂街嘶奔逸風雷立豈飽芻
豆亦棧常思迴舞豈欲野亂久羈羨鴛駘兩馬不同調各
為世所猜問之不能言使我心悠哉

春從沙磧底

春從沙磧底轉上青天墜鵲上桑柘媿浮雲交姿媚游人
出暄暖鳥語碎陰翳心知歸有日我亦無愁思所嗟獨李
子尚客江湖溼萬里卜鳳凰飄也何時至

日辰與望南山

晨旦望南山不見南山根草樹露顛頂根枝葉復繁銅瓶

取井水已至尚餘溫天風一吹拂的樂成瓊瑤

結屋山澗曲

結屋山澗曲挂瓢秋樹顛鳴不中律呂時上驚我眠吾見亦惡聒勸力爭棄捐止我為尔歌不如恣其然狂風動地至萬竅各啾喧一瓢雖易除豈在有無間皦皦山下石泠泠手中弦臨流寫所愛坐聽以穷年

朝日一暴背

朝日一暴背欣然忘夜寒樵松煮澗水既食取琴彈七作南風歌七罷坐長歎寤彼栖七者遣世長獨難

黃菊有至性

團七城上日秋至少先輝積陰欲滔天况乃草木微黃菊

有至性孤芳犯群威米七霜露間亦足慰朝飢

少狂喜文章

少狂喜文章頗復好功名稍知古人心始欲老蠶耕低徊但志食辭迨亦專城仰慙冥七士俯愧擾七忙良夜未遽央青燈數寒更撥書置左右仰屋慨平生

三戰敗不羞

三戰敗不羞一官遷輒喜古人思慰親愧辱寧在已於陵避冗食織屨仰妻子息義有和權潔身非至理

少年見青春

少年見青春萬物皆嫵媚身雖不飲酒樂與賓客醉一從鬢上白百不見可喜心腸非故時更覺日月駛聞歡已倦

往得飽還思睡春歸只如夢不復悲憔悴寄言少年子努力作春事亦勿怪衰翁衰強自然異

白日不照物

白日不照物浮雲在寥廓風濤吹黃昏屋瓦更紛泊行觀蔡河上負土私力弱隨提散萬家亂若春蠶箔仍聞決數道且用寬城郭婦子夜號呼西南漫為壑

草端無華滋

草端無華滋陰氣已盤固宿妍却如春歲晚曾不寤一裘可以暖貧士終難豫忽忽遠枝空寒蟲欲不戶

一日不再飯

一日不再飯飯已八九眠忽上夜一照門頭瀛不可遷

今日非昨日昨日已可憫明日異今日如何能勿悲當門五六樹上有蟬鳴枝朝聽尚壯急暮聞已衰遲仰看青葉亦復少華滋萬物同一氣固知當爾為我友南山居笑談解人頤分我秋相實問言歸何時衣冠污劣塵苟得猶苦飢低何歲已晚恐負平生期

秋日不可見

秋日不可見林端但餘黃杖藜思平野俛仰畏無光粟七澗谷風吹我衣與裳娟上空山月照我冠上霜

驥驥在霜野

驥驥在霜野低徊哀草入攔聞秋風悲鳴思長道黃金作鞭繫繫空外好人生意得意不必恨枯槁

并公集
悲哉孔子沒

悲哉孔子沒千歲無顧麟虫七盡鉏商此物誰能珍漢武
得一角燔享誣鬼神更以铸黃金傳夸後世人

秋庭午吏散

秋庭午吏散予亦歸自僂豈無嘉賓客欲往心獨懶北窓
古人篇一讀三四反悲哉不蚤計失道行晚晚

秋日在梧桐

秋日在梧桐轉陰如急轂冥七蔽中庭下視今可慕高蟬
不復嗜稍得塞鴉宿百遶有衰翁行歌待春綠

我欲往滄海

我欲往滄海客來自河源手探囊中膠敷此千載渾我語

筋骸微纏束肺腑鼎鑪煎長往埋不惜高堂思所牽

秋枝如殘人

秋枝如殘人顏色先憔悴歲寒吹已空性命一何脆
寧當託疇昔菴葉相嫵媚歲行誰使然好殺豈天意

青青西門槐

人情甘阿諛我獨倦請請在於權門疎萬事亦已拙
平生江湖期夔寐不可遏青青西門槐少解馬上弱

天下不用車

天下不用車人人乘馬馳王良雖善御攬轡欲從誰
漢武伐大宛殺人若京坻孝文却走馬獨行先安之
萬物命在天取舍各有時陰陽更用事冬暖豈所宜
卜氏強慰玉兩則亦已癡幸終遇良工已剖得不疑

山田父欲拆

山田父欲拆秋至尚求雨婦人喜秋涼踏車多笑語
朔雲卷衆水慘淡吹平楚橫波與直壑疑即沒洲渚
霍霍反照中散絲魚幾縷鴻蒙不可問且往知何許
敬張露下胸側見星月吐龍骨已嘔啞田家真作苦

聖賢何常施

聖賢何常施所遇有伸屈曲士守一隅欲以齊萬物
喪非不欲富言為南宮出世無子有子誰敢救其失

散髮一扁舟

散髮一扁舟夜長眠屢起秋水瀉明河迢上藕花底
愛此露的樂復於雲綺靡諒無與歌絃幽獨亦可喜

道人北山來

道人北山來問松我東岡舉手指屋脊云今如此長
開田故歲收種果今年嘗告叟去復來耘鋤尚康強
死孤正首丘遊子思故鄉嗟我行老矣墳墓安可忘

今日非昨日

客欲爾當還治崑崙歎息謝不能相看涕翻盆客止我且
往濯髮扶桑根春風吹我舟萬里空日存

前日石上松

前日石上松斲移沙水際青上折斂股俯映幽人砌蟠根
今營茂落子還蒼翠三年一楮葉世事真期費

日出堂上飲

日出堂上飲日西未云休主人笑而歌客子歎以愀指此
堂上柱始生在巖幽雨露飽所滋凌雲亦千秋所託願求
父何言值君收乃令卑濕地有蟻上窮搜丹青空外好鎮
厓已堪憂為君重去之不使一蟻留蟻力雖云小能生萬
蚍蜉又能高其礎不爾繼者稠譁客且勿然百年等浮漚

為客當酌酒何豫主人謀

臨川先生文集卷之八終

臨川先生文集卷之九

古詩

孔子

揚雄二首

漢文帝

秦始皇

韓信

叔孫通

東方朔

揚劉

臧倉

田單

戴不勝

陸忠州

開元行

相送行效張籍

陰漫漫行

一日歸行

沐水

陰山畫虎圖

杜甫畫像

吳長文新得顏公裴碑

答揚州劉原甫

寄鄂州張使君

送元厚之待制知福州

悼四明杜醇

哭梅聖俞

遊章義寺

飯祈澤寺

答瑞新十遠

送文學士倅邛州

送宋中道通判涪州

送張公儀宰安豐

送陳謬

送孫長情歸輝州

送喬執中秀才歸高郵

雲山詩送正之

孔子

聖人道夫能亦博學者所得皆秋毫雖傳古未有孔子蠅
蠓何足知夫高桓 魁武叔不量力欲撓一草括蟠挑顏
回已自不可測至死鑽仰忘身勞

揚雄二首

辛雲游天禧肇藻銳初學童思晚有得晦顯無適莫象也
鄒魯後於此歸先覺豈耳知符命何苦自投閣長安諸愚

儒操行自為薄誇朝出異已傳載因疏略孟軻勸伐無伊
尹干說亮印馬觸其鋒食牛要祿爵少知羞不為况彼皆
卓犖史官蔽多聞自古喜穿鑿

子雲平生人莫知七者乃獨稱其辭今莫子未衰者皆是得
子雲心亦無幾聖賢樹立自有師人知不知無以為俗人
賤今常貴古子雲今存誰汝教

漢文帝

輕刑死人衆喪短生者偷仁孝自此薄衣裁不能謀露臺
惜百金灞陵無高丘淺恩施一特長患被九州

秦始皇

天方狝中原狐兔在所憎傷哉六尋王當此熱有膺傳取
已掃地翰飛尚憑凌遊將跨蓬萊以海為丘吐勒石頌功
德群臣助驕矜舉世不讀易但以刑名稱蚩上彼少子何
用辨堅冰

韓信

韓信寄食常歎缺辭遊漂母能哀憐當時喻等何由伍但
有淮陰惡少年誰道蕭曹刀筆吏從容一語知人意增上
平明大將纛舉軍畫驚馬王不疑採兵半楚維一作傳沙兵擊楚
維半從初龍且聞信怯鴻溝天下已橫分談笑重來卷楚
氛但以怯名終得羽誰為孔弟兩將軍

叔孫通

先生秦博士秦禮頗能熟軍主欲有為兩生皆不欲草具
一王儀群豪果知肅黃金既偏賜短衣亦已續儒術自此
凋何為反初服

東方朔

平原狂先生隱翳世上塵材多不可數射覆亦絕倫談辭
最談恠發口如有神以此得親幸賜予頗不貧金玉本光
瑩浮沙豈能埋時上一悟主驚動漢庭臣不肯下兒童敢
言詆平津何知夷與惠空復忤時人

揚劉

人各有是非犯時為患害唯詩以譎諫言者得無悔汾王
昔豎諛變雅今尚載末俗忌諱繁此理寧復在南山詠種

互議法過四罪玄都戲挑花母子受顛沛疑似已如此况
欲諄上誨事交故不同楊劉可為戒

減倉

位在禹乘師孟軻猶不遇豈云貧與賤世道非吾趣意行
天下福事忤由然去命也固有在減倉汝何與

田單

潛王萬乘奔走死區區燕田單一即墨掃敵如風旋舞鳥
惟不測騰牛怒無前飄飄樂毅去磊磊功名傳掘葬與劓
降論乃槐儒先深誠可借士王蠋豈非賢

戴不勝

昔在宋王所皆非僻居州區區一不勝辛苦亦何求懷祿

詎有恥知命乃無憂此士自可憐能復識此不

陸忠州

虞人以此士招御者與射比當時尚羞為况乃天下士英也
陸忠州學問輔明知低徊得坎壈勲業終不遂

開元行

君不聞開元盛天子糾合雋傑披茲猖獗年辛若補四海
始得完好無疽瘡一朝寄託誰家子威福顛倒那復理那
知赤羊偏愁毒祇見狂胡倉卒起茫茫孤行西萬里偏及
歸來竟憂死子孫險不失故物杜陵夷從此始由來犬
羊著冠坐廟堂安得四鄙無豺狼

相送行效張籍

一車南一車北身世忽上俱有後憶昔論心兩綢繆那知
相送不得留但聞馬嘶覺已遠欲望應須上前坂秋風忽
起吹泥塵雙目空回不見人

陰漫漫行

愁雲怒風相追逐青山滅沒滄江覆少留燈火就空床更
聽波濤園野至憶昨踏雪度長安夜宿木瘤環苦寒誰云
當春便妍暖十日八九陰漫上

一日歸行

賤貧奔走食與衣石日奔走一日歸平生歡意若不盡正
欲老大相因依空房蕭瑟幾總惟青燈半夜哭聲稀昔容
相像今何處地下相逢果是非

汴水

汴水無情日夜流不肯為我少淹留相逢故人昨夜去不
知今日到何州七州人物不相似處七蟬鳴令客愁可憐
南北意不就二十起家今白頭

陰山畫虎圖

陰山健兒鞭鞞急走勢能追北風及凌迤一虎出馬前白
羽橫穿更人立回旗倒戟四邊動抽矢當前放蹄入瓜牙
蹭踏不得施磧上流丹看來温胡天朔漠殺氣高煙雲萬
里埋弓力穹廬無工可貌此漢使自解丹書包堂上綃素
開欲裂一見猶能動毛髮低徊使我思古及此地博兵走
戎羯禽逃獸遁亦蕭然豈若封疆今晏眠契丹弋獵漢耕

奇亦仰覽

作飛將自老南山邊還能射虎隨少年

杜甫畫像

吾觀少陵詩為與元氣侔力能排天幹九地壯顏毅色不可求浩蕩八極中生物豈不稠醜妍巨細千萬殊音莫見以何離鏤惜哉命之窮顛倒不見收青衫老更斥饑走半九州瘦妻僵前子仆後攘七盜賊森戈矛吟哦當此時不廢朝廷憂常願天子聖大臣各伊周寧令吾廬獨破受凍死不忍四海寒飈七傷屯悼屈止一身嗟時之人死所羞所以見公畫再拜涕泗流惟公之心古亦少願起公死從之游

吳長文新得顏公壞碑

魯公之書既絕倫歲久更為時所珍荒壇壞冢朽崖屋剝落風雨埋煨塵斷碑數尺誰所得點畫入紙完如新江陵公子好事者拓取持寄情相親六書篆籀數變改訓詁後世多失真誰初妄鑿研與醜坐使學士勞骸筋堂七魯公勇且仁出遇世難親經綸揮毫卓犖又驚俗豈亦以此誇常民但疑技巧有天得不必強勉方通神詩歌其崇美召伯愛惜蔽帝由思人時危忠誼常恨少寶此勿復令埋堙

荅揚州劉原甫固君古人風更欲投吾簪

少食苦不足一官聊自謀為生晚更拙懷祿尚遲留龜勉詎有補強顏包衆羞謂我古人風知君以相慢君實高世才主恩正綢繆奇矣哀此民華簪寧易投

寄岳州張使君

昔人寧飲建業水共道不食武昌魚公來建業每自如亦
復不厭武昌居武昌山川今可想綠水逶迤煙莽蒼白鷗
晴飛隨兩嶺岸芥茸上映魚網投老留連陌上塵思公一
語何由往

送元厚之待制知福州

海隅山谷間人物最多處平旦息相吹連城默如霧閩王
舊宮室舟濼羨無度今為大師府千里來赴翹元侯文章
翁更以吏能著我中 中天閣鳴玉新改步銜詔出梨嶺方
為遠人慕旌旗滿流水冠蓋東門駐四坐共咨嗟疑侯不
當去張仲稱孝友樊侯正求助名城雖云樂行矣未宜遽

悼四明杜醇

社生四五十孝友稱鄉里隱約不外求耕桑有妻子藜藿
牧鷄豚筠筒釣魴鯉歲時沽酒歸亦不之甘言天涯一杯
飯夙昔相逢喜談辭足詩書篇詠又清池都城問越客安
否常在耳日月未渠央如何葉子死古風久凋零好學少
為已悲哉四明山此士今已矣

哭梅聖俞

詩行於世先春秋國風變衰始初舟文辭感激多所憂律
呂尚可諧鳴球先王澤竭士已偷紛上作者始可羞其声
與節急以浮真人當天施再流篤生梅公應時求頌歌文
武功業優經奇緯麗散九州衆皆少統老則不翁獨辛苦

不能休惜無采者人名適貴人憐公青兩眸吹噓可使高
岑樓坐令隱約不見收空能乞錢助饋餉疑此有物司諸
幽棲七孔孟葬魯鄒後始卓犖稱軻立聖賢與命相循予
勢欲強達誠無由詩人况又多穷愁李杜亦不為公侯公窮
隨既以身投坎軻坐老當
誰尤吁嗟豈即非善謀虎豹雖死皮終留飄然載喪下陰
溝粉書軸幅懸無旒高堂萬里采白頭東望使我商聲謳

游章義寺

九日章義寺倦遊因解鑣拂榻寄牛夢起尋北山椒岑蔚
鳥絕迹悲鳴唯一蜩歡言與僧期於此共簞瓢斬松八九
根窻壁具一朝伏檻何所見蒼七園寂寥殿谷寒更靜水
泉清不搖安得有車馬尚無漁與樵神茂真觀役心明袞

塵消陰嶺有嘉客儻來不須招

飯祈澤寺

駕言東南遊午飯投僧館山白梅藥長林黃柳芽短麥省
沙際來略約桑間斷春秧一川明雪消千壑漫魚隨竹影
浮鳥誤人声散翫物豈能留干時吾自懶

答瑞新十遠

遠水悠然碧遠山天際蒼中有山水人寄我十遠章我時
在高樓徒倚觀八荒亦復有遠意千載不相忘

送文學士倅邛州

文翁出治蜀七士始文章司馬唱成都嗣音得王揚萃七
漢守孫千秋起相望操筆賦上林脫巾選為郎擁書天祿

閣奇字校偏傍忽乘駟馬車牛酒過故鄉時平無諭徽不
訪碧雞祥問君行何為閔隴正繁霜中和助宣布循吏綴
前芳豈特為親榮區區夸一方

送宋中道倅洛州

漳水不灌鄴不知幾何時後世有史起乃能為可為余嘗
憐治民為鹵半不治頗覺漳可引但為談者嗤高議不同
俗功成人始思夫子到官日勿忘吾此詩

送張公儀寄安豐

楚客來時鴈為伴歸期祇待春冰泮鴈飛南北三兩回
首湖山空夢亂秘書一官聊自慰安豐百里誰復歎揚鞭
去上及芳時壽酒千觴花爛熳

送陳諤

有司昔者患不公翻名騰書今故密論才相若子獨棄外
物有命真難必鄉閭孝友莫如子我願卜鄰非一日朱門
弁上行多慚歸笑無為惡蓬華

送孫長倩歸輝州

溪澗得雨潦奔溢不可航江海收百川浩上誰能量溪澗
之日短江海之日長願生畜道德江海以自方

送喬執中秀才歸高郵

薄飯午不羨空爐夜無炭寒上日避席烈上風欺慢謂子
勿惡此何為向子歎長年客塵沙無婦助親爨寒暄慰白
首我弟纔將冠遭廻歲又晚想見淮湖漫古人一日養不

此字乃作後

以三公換田園在戮力且欲歸鋤灌行矣子誠然光陰未
宜翫負米力有餘能無讀書伴

雲山詩送正之

雲山參差碧相園溪水詰曲帶城隈溪旁壤斷至者誰子
獨與子相諧熙山城之西鼓吹悲水風蕭蕭不滿旗子今
去此來無時子有不可誰子規

臨川先生文集卷之九

臨川先生文集卷之十

古詩

和甫如京師微之置酒

別孫莘老

寄丁中允寶臣

示平甫弟

憶北山送勝上人

相國寺啓同天節道場行香院觀戲者

馬上轉韻

乙巳九月登治城作

過劉貢甫

佑王

信都公家白兔

車螯二首

與平甫同賦魏

井棠梨

獨山梅花

同昌叔賦薦奴

老樹

賦得炷中

飛鴈

寓言九首

舟中讀書

和王樂道讀進士試卷

自訟

彼狂

衆人

和甫如京師微之置酒

季子將北征貂裘解亭臯使君擁鳴騶出餞載酒醪作詩
寃行色坐客多賢豪信知大夫才能賦在登高陟坻憂未
已強歌友哀虎問言歸何時速此冬風饒長川塗良阻修篁
鬱慎所操黃屋初啓聖萬靈歸一陶詢謀及踈賤拔取皆
特髦往矣果有合可辭州縣勞

別孫辛老

逢原未熟我已與子相知自吾得逢原知子更不疑把手
湖上舟望子欲歸時茫然乃分散獨背東南馳寥々西城
君邂逅與子期鷄鳴入省門朱墨來紛披含意不自得強
顏聊爾為會合常在夜青灯照書詩往々並衾語至明不
言疲忽々捨我去使我當從誰送子不出門我身方羈縻
我心得有如今與子相隨々子至湖上逢原所嘗嬉想見
荷葉尽北風卷寒漪已懷今日愁更念昔日悲相逢亦何
有但有鏡中絲

寄丁中允宝臣

人生九州間泛々水中木漂浮隨風波邂逅得相觸始我

與夫子得官同一州相逢皆偶然情義乃綢繆我于人事
疎而于父已修磨善以成我德大不可醜乖離今六年
子未嘗休豈不道相逢但得頃刻留歡喜不滿頰長年抱
離憂古人有所思千里駕車牛如何咫尺間而不與子游
顧惜五斗米無辜自拘囚念彼磊落者心願兩慙羞剡山
碧榛々剡水日夜流山行苦無礙水淺亦可舟使君子所
善來傲自可求何時子來意待子南山頭

示平甫弟

汴渠西受崑崙水五月奔湍射黃矢高淮夜入忽倒流碕
岸相看欲生崖禹檣如山屹不動嗟我仲子行亦止自聞
留連且一月每得問訊猶千里老工取河天上落伏礫遭

沙卷無底土橋立馬望城東數日知有相逢喜慙隅返照
媚槐穀池面過雨蘇臺喜欣然把手相與閑所願此時無
一詭豈無他憂能老我付與天地從今始閉門為謝載酒
人外慕紛七吾已矣

憶北山送勝上人

蒼藤翠木江南山激七流水兩山間山高水深魚鳥樂車
馬跡絕人長閑雲埋樵声隔葱蒨月弄釣影臨潺湲黃塵
滿眼衣可濯夢寐惆悵何時還

相國寺啓同天節道場行香院觀戲者

侏優戲場中一貴復一賤心知本自同所以無欣怨

馬上轉韻

三月楊花迷眼白四月柳條空老碧年光如水促東流風
物看七又到秋人世有年能幾許何須戚七長辛苦富貴
工名自有時尊瓢碎如亦山誰

乙巳九月登冶城作

欲望鍾山岑因知治城路躋攀隱木杪稍記曾遊處紅沉
渚上日蒼起襟中霧即事有哀傷山川自如故

過刘貢甫

去年約子遊山陂今者仍為大梁客天旋日月不少留稱
意人間寧易得天明徑欲相就語雲雪填城萬家白冬風
吹鬣馬更驕一出何由問行迹能言奇字世已少終欲追
攀豈辭劇枕中鴻宝舊所傳飲我寧辭酒或索吾願與子

同醉醒顏狀雖殊心不隔故知今有可憐人回首紛七斗
管窠

估玉

潼關西山古藍田有氣鬱_七高柱天雄虹雌霓相結纏書
夜不散非雲煙秦人挾斤上其巔視氣所出深饒鐫得物
盈尺方且堅以斤試叩声泠然持歸市上求百錢人皆疑
嗟莫愛憐大梁老估聞不眠操金喜取走踰蹀深藏牢包
三十年光怪隣里驚相傳欲獻天子無由緣朝廷昨日鍾
鼓縣呼工琢圭寘神筵玉材細鎖不中權賈孫抱物詔使
前紅羅複疊怕紫氈發視紺碧光屬聯詔問與價當幾千
眾工讓口無敢先嗟我豈識真_{一作}與全

信都公家白兔

水晶為宮玉為田姮娥縞衣洗朱鉛宮中老兔非日浴天
使潔白宜嬋娟揚鬚弭足桂樹間桂花如霜司後前赤鷄
相望窺不得空疑兩瞳射日丹東西跳梁自長久天畢橫
施亦何有憑光下視豈同繁衣褐紛_七漫回首去年驚墮
除山雲出入虛莽猶無群竒毛難藏果亦得千里今以窮
歸君空欄險幽不可返食君庭除嗟亦窘令子得為此兔
謀豐草長林且遊行

車螯二首

車螯肉甚美由美得烹燔殼以無味弃_七之能久存子掌
憐其肉柔弱甘咀吞又嘗怪其殼有工不見論醉客快一

散散投墻壁根寧能為收拾持用訊醫門

二

車螯肉之弱恃殼保厥身自非身有求不敢微啓唇尚恐
獨者得泥沙常埋埋往七湯火間身太殼空存維海錯萬
物口牙且咀吞尔無如彼何可畏寧獨人無為久自苦舍
匿不暴陳豁然後折如將蕩四海濬清波躍其汗白日曬
其昏死生或有在豈遽得烹燔

與平甫同賦槐

水雪泊楚岸萬株同飄零春風都城居初見葉青七歲行
如車輪蔭翳忽滿庭秋子今在眼何時動江舲

甘棠梨

甘棠詩所歌自足誇衆果愛其凌秋霜萬玉懸磊砢園天
盛採摘市賈爭包裏車輪動盈箱舟載輒連柁朝分不知
數暮在知幾顆但使其有餘何傷小而楮主人捐千金
飭飯留四坐柑棹與橙栗在口亦云可都城紛華地內熱
易生火問客富此時蠲煩孰如我

獨山梅花

獨山梅花何所似半開半謝荆棘中美人零落依草木志
士顛顛守蒿蓬草七孤艷帶寒日漠七遠香隨野風移栽
不得根欲老回首上林顏色空

同昌叔賦鴈奴

鴈七無定棲隨陽以南北嗟哉此為奴至性能懇惻人將

同其殆奴輒告之亟舉群寤而飛機巧無所得夜或以火
取效鳴火因匿頗矯莫我補顧謂奴不直嗷七身有憂泯
泯衆一息相隨入矧繳豈不聽者惑偷安與受給自古有
亡國君看應奴篇禍福甚明白

老樹

去年北風吹瓦裂牆頭老樹凍欲折蒼葉蔽屈忽扶踈野
禽後此相與君禽鳴無時不可數雌雄各自應律呂我牀
撥書當午眠能驚我眠聒我語古詩鳥鳴山更幽我念
嗚聲收但憂此物一朝去狂風還來欺老樹

賦東得燭字

種桃昔所傳種棗予所欲在實為美果論材又良木餘甘

入鄰家尚得饒婦逐况余秋盤中快敢取壓足風包墮朱
緇日顆皺紅玉贄享古已然詠詩自宜錄結懷青芥間萬
樹陰平陸誰云食之昏匿知乃成俗廣庭觴聖壽以此參
有款願此赤心投皇明儻予燭

飛鴈

飛鴈冥七時下泊稻梁雖少江湖樂人生何必慕輕肥辛
苦將身到沙漠漢時蘇武與張騫萬里生還值偶然丈夫
許國當如此男子持親亦可憐

寓言九首

洗七古之士出必禮樂群游與群飲仁義待揚摧心疲
歌舞荒耳聒米益濁加以後世賢絕俗乃為學

不得君子居而與小以游庇敢不相摩况乃衲堂稠高語
不敢出鄙辭強顏醉始云避世患有覺日已偷如傳一齊
人以萬楚人味云復學齊言定復不可求仁義多在野欲
後苦淹留悲道難行所悲累身修

三

周公歌七月耕稼乃王術宣王追祖宗考牧與宮室其崇
能聽訟召伯聖人匹後生論常高於世復何實

四

婚喪孰不其能錢免尔紫耕收孰不給傾粟助之生物脆
我收之物若山使營後世不務此區挫兼并

五

正觀業萬世經營豈非艰其子一搥之宗廟靈幾殫開元
始聰明一青奔岷山功高後毀易德薄人存難

六

言失於須臾百世不可除行失几席間惡名滿八區百年
養不足一日毀有餘諒彼恥不仁戒哉惟厥初

七

鍾鼓非樂本也禾猶相因仁聲入人深孟子言之醇如何
正觀君從古同隋陳風俗不粹羨惜哉世無臣

八

游鯨厭海濁出戲清江湄風濤助翻騰網罟不敢窺失身

洲渚間螻蟻乘其機物大苦易窮一窮無所歸

九

猛虎卧草間群鳥從噪之萬物忌強梁寧獨以其私虎終機
械得鳥亦彈丸隨山雞不忤物默與鳳凰期

舟中讀書

舟七木葉下蕭蕭山水秋浮雲帶田野落日抱汀洲歸卧
無與語出門何所求未能忘感慨聊以古人謀

和王樂道讀進士試卷

文章始隋唐進取歸一律安知鴻都事竟用程人物變今
嗟夫能於已空有咄流波亦已漫高論常見屈故令倣儻
士往之棄堙鬱臯陶叙九德固有知人術聖世欲尔為徐

觀異人出

自訟

孔子見南子七路為不怡欲從公山氏勃鬱見色辭道如
天之蒼萬物不能緇第子尚不信况余之才資明知古人
仁語默各有時苟出不自慎果為聽者疑白圭尚有磨駟
馬猶能追一言成不智雖悔欲何為

彼狂

上古杳默無人聲日月不忒山川平人與鳥獸相隨行祖
孫一死十有生萬物不給乃相共伏羲畫法作後程漁虫
獮獸寬群爭勢不得已當經營非以示世為聰明方分類
別物有名夸賢尚功列耻榮蠱偽日巧雕元精至言一出

衆輒驚上智閉匿不敢成因時就俗救則黷惜哉彼狂以
文鳴強取色樂要聲自震湯沈濁終無清諷詭徒亂聖人
氓豈若泯默死蠶耕

衆人

衆人紛也何足競是非吾喜非吾病頌聲交作莽豈賢四
國流言且猶聖唯聖人能輕重人不能銖兩為千鈞乃知
輕重不在彼要之美惡由吾身

臨川先生文集卷之十

臨川先生文集卷之十一

古詩

寄題鄧州白雪樓

聖俞為狄梁公孫作詩要予同作

蒙亭

和王樂道烘蟲

和聖俞農具詩十五首

次韻酬微之贈池紙并詩

酬冲卿月晦夜有感

送子思兄參惠州軍

送董伯懿歸吉州

八月十九日試院夢冲卿

平甫歸飲

荅陳正叔

過食新城藕

明州錢君倚衆樂亭

愛日

荅裴煜道中見寄

餘寒

孤城

和微之藥名勸酒

客至當飲酒二首

乙未冬婦子病至春未已

強起

飲裴侯家

送謝師宰赴任楚州二首

次韻遊山門寺望文脊山

車螯

疥

寄題鄧州白雪樓

折楊黃華笑者多陽春白雪和者少知音四海無幾人況
乃區々鄧中小千載相傳始欲慕一時獨唱誰能曉古心
以此分冥々俚耳至今徒擾々朱樓碧瓦何年有棖桶連

空欲驚矯郢人爛漫醉浮雲郢女參差躡飛鳥丘墟餘響
難再得攔檻茲名復誰表我來欲歌聲更吞石城寒江暮
雲繞

聖俞為狄梁公孫作詩要子同作

虎豹不食子鷄梟不乘雄人惡甚焉獸吾能與成功愛有
以計留去有勢不容吾謀適合意幾亦齒姦鋒時思淪九
泉褒取異代忠堂々社稷臣近世孰如公空使苗裔稱々
揚得詩翁一讀亦使我慨然想餘風

家亭

隱者委所逢在物無不足山林與城市語道歸一轂詩人
論巨細此指尚局東頗知區々者自屏忍所欲孰識古之

人超然遺耳目豈於喧與靜越舍有偏獨命亭今何為似
乃畏驚俗至意不標揭小名聊自屬夏風簷楹寒冬雪牕
戶燠春樊亂梅柳秋徑深松菊壺觴日笑傲裙屐相追逐
此樂亦難言持琴作新曲

和王樂道烘蟲

秋暑汗流如炙輟故衣濕蒸塵垢澆施々衆蟲當此時擇
肉并於虎狼餓咀嚙侵膚未云已爬搔次骨終無那時々
對客輒自捫千百所除纔幾箇皮毛得氣強復活瓜甲流
丹真暫破未能湯沐取一空且以火攻令少挫踞爐熾炭
已不暇對竈張衣誠未過飄零乍若蛾赴燈驚擾端如蟻
旋磨欲歐百惡死焦灼肯貸一凶生棄播已觀細點無所

前公文集 卷十一
容未放老姦終不隨然臍郁鳩患溢世焚寶鹿臺身易貨
冢中燎入化秦屍池上炊隨遷莽坐彼皆勢極就煙埃况
汝命輕侔涕唾逃藏壞絮尚欲索理沒死灰誰復課一本
無此八句 熏心得禍爾莫悔爛額收功吾可賀猶殘衆蟻
恨未除自計寧能久安卧

賀聖俞農具詩一十五首

田廬

田父結田廬聊容一身息呼兒取茅竹不惜鄉人力起行
廬旁朝歸卧廬下夕悠、各有願勿笑田廬窄

樵斧

百金聚一冶所賦以所遭此豈異鎔錒柰何獨當樵朝出

在人手暮歸在人腰用捨各有時此心兩無邀

耕牛

朝耕草莽、暮耕水滸、朝耕及露下暮耕連月出身無
一毛利主有千箱實耽彼天上星空名豈餘匹

水車

取車當要津膏潤及遠野與天常幹旋如雨自滾瀉置心
亦何有在物偶相假此理乃可言安得圓機者

牧笛

綠草無端倪牛羊在平地芊綿杳靄間落日一橫吹超遙
送逸響澶漫寫真意豈比青錫人吹簫敗童釋

賜扇

前公文集 卷十一 五時卷十一 9

精良止如留疏粟去如擯如擯非爾憎如留豈吾吝無心
以擇物誰喜亦誰愠翁乎勤斂賜可使糠粃盡

田漏

占星昏晚中寒暑已不疑田家更置漏寸晷亦欲知汗與
水俱滴身隨陰屢移誰當哀此勞往々奪其時

牛衣

百獸冬自暖獨牛非毳毛無衣與卒歲坐恐得空牢主人
覆護恩豈啻一綈袍問爾何以報離々滿東臯

樓種

富家種論石貧家種論斗富貧同一時傾瀉應心手行着
萬龍空坐使千箱有利物博如此何慙在牛後

耒耜

耒耜見於易聖人取風雷不有仁智兼利端誰與開神農
后稷死般爾相尋來山林盡百巧揉斲無良材

錢鏹

於易見耒耜於詩聞錢鏹百工聖人為此最功不薄欲收
禾黍善先去蒿萊惡願同歌器悟更使臣工作

耨耨

鍛金以為曲樛木以為直々曲相後先心手始兩得秦人
望屋食以此當金革君勿易耨耨勝鋒鏑

襪

采々霜露下披々煙雨中蒲茅以為友袒褐相與同勿如

帝門人綺紈被奴僮當慙邊城戍擐甲徂春冬

其筮

史記索隱謂蓬累立也

耕有春雨濡耘有秋陽暴二物應時須九州同我服欲為
生少慕得此自云足君思周伯陽所願豈華轂

耘鼓

逢、戲場聲壤、戰時伍日落未云休田家亦良苦問兒
今壟上聽此何莽鹵昨日應官繇州前看歌舞

次韻酬微之贈池紙并詩

微之出守秋浦時推冰看擣萬穀皮波工龜手咤今樣魚
網肯數荊州池霜紈奪色賈不售虹玉喪氣山無輝方船
穩載獻天子善價徐取供吾私十年零落尚百一持以贈

我隨清詩君寧久寄金穀地方孰賜筆磨切螭當留此物
朝上國日侍皇帝側書新儀不然名山副史本袞枝元凱
誅窮竒咨子文章非世用畫鏤空爾糜冰脂揮毫才足記
姓字竊學又恥從師宜忽、點汗亦何忍嘉貺但竟難為
辭篇終有意責趙孽窮國恐誤連城歸傾囊倒篋聊一報
安敢坐以秦為雌

酬冲卿月晦夜有感

夜雲不見天況乃星與月蕭々暗塵走坎七寒更發樓歌
客尚飲醪酏不畏雪巷哭復有人鄰風送幽咽紛然各所
遇悲喜孰優劣君方感莊周浩蕩攜綫歸來亦置酒玉
指調絃撥獨我坐無為青燈對明滅

送子思兄參惠州軍

云云曲江水天借九秋色樓臺飛半空秀氣盤韶石載酒
填里閭吹花換朝夕笙簫震河漢錦繡爛冠憤地靈瘴癘
絕人物傾南極先朝有名臣卧理訟隨息稍々廷諸生談
笑與賓客子來適妙年謁入交履烏寂寥九齡後此獨望
一國虞翻禮丁記韓愈侯趙德孤岸鎮頽波俗流未易識
我方文葆中旋逐旌旗蹟去思今豈忘耳目孰遺跡吏舍
殷勤言俛仰問乖隔當時府中兒侵尋髮邊白下惟雖著
書不揀寒餓迫謂宜門闌士官路久爛赫奈何猶差池更
棒丞掾檄驥摧千里蹄鵬墮九霄翻人生無巧愚天運有
通塞試觀馳騁人意氣宇宙窄榮華去路塵謗厚與山積

優游祿仕間較計誰失得送君強成歌陟岵翻感激

送董伯懿歸吉州

我來以喪歸君至因謫徙蒼黃憂患中邂逅於此去年
服初除聽赦相助喜看君數歸月但屈兩三指茫然冬更
秋一笑非願始籃輿楊柳下明月芙蓉水僮僕屢關門客
罷方隱几是非評衆詩成敗斷前史時時對奕石漫浪爭
生死送迎皆幅巾設食但陳米亦曾戲篇章揮翰疾高矢
君豪才有餘我老備先止東城景陽陌南望長干紫欲斲
三畝蔬於焉寄殘齒經過許後日唱和猶在耳新恩忽捨
我欣悵生彼已江湖北風帆挾拖即千里相逢知何時莫
惜縑與紙

八月十九日試院夢冲鄉
空庭得秋長漫七寒露入暮愁衣單喧七人語已成市白
日未到扶桑間永懷所好却成夢玉色鬢鬢開心顏逆知
後應不復隔談笑明月相與閑

平甫歸飲

無田士相弔亦以廢燕樂我官雖在朝得飲乃不數詩書
向牆戶賓至無杯杓空取上古言醅之等糟粕有知揚子
雲歲晚天祿閣但無載酒人識字真未博叔兮歸自東一
笑堂上酌緒餘不及客兒女聊相醉高談非世歡自慰亦
不惡寄言繁華子此趣由來各

答陳正叔

天馬志萬里駕鹽不如閑壯士困局束不如弃之完利行
有阨轍勢涉無恬瀾明々千年羞促々一日歡孰肯避此
世引身取平寬超然子有意為我歌考槃予方慕孔氏委
吏久盤桓得失未云殊聊各趨所安

過食新城藕

他年過食新城藕枕藉船中載親友今年却到經行處獨
坐昏煙對舞柳甘酸向日無所適牢落盤餐與樽酒冰房
玉節漫有好卻御還休涕垂手曾參宦李居常近陽城離
別初不久人間此願兩未能西風落日空回首

明州錢君倚衆樂亭

使君幕府開東部名望海曲人知慕艤舩談笑政即成洗

却作飲

滌山川作嘉趣清泉浩蕩銀河注想見明星弄機杼載沙
築成天上路投虹爲橋取孤嶼掃除荆棘水中央碧瓦朱
甍隨指顧春風滿城金版舫來看置酒新亭上百女吹笙
綵鳳悲一夫伐鼓靈鼉壯安期羨門相與遊方丈蓬萊不
更求酒酣忽跨鯨魚去陳迹空令此地留

愛日

鴈生陰沙春冬急陽海溢冥々取南北豈以食爲累咨予
愁病軀朴鄙人所戲無才治時難量力當自棄豈知塞上
霜飄然亦何事高堂已白髮愛日負明義悲風吹平原秣
馬聊一榻含懷孰與語仰屋思嘆喟孟母知身從萊妻恥
人制一肉儻易謀萬鍾非得計

答裴煜道中見寄

君游苦數歸苦晚一驛險有千里遠知君陟降日暮間馬
力不勁厭長坂兩脚墜地花枝低風頭入溪蒲葉偃此處
登臨不奈愁瓊樹森々遶壘巘

餘寒

餘寒駕春風入我征衣裳捫鬢祇得凍蔽面尚疑劊士耳
恐猶墜馬毛欲吹僵牢持有失箸疾飲無留湯曠々扶桑
日出有萬里光可憐當此時不濕地上霜冥々鴻鴈飛北
望去成行誰言有百鳥此鳥知陰陽豈時有必至前識聖
所臧把酒謝高翰我知思故鄉

孤城

孤城回望一作距幾何記得好處常經過最忌東山煙樹
色更憶南湖秋水波百年顛倒一作三忽如夢寐萬事乖隔
事一作萬感激徒悲歌應須飲酒不復道今夜江頭明月多

又

和微之藥名勸酒

赤車使者錦帳即從容珂馬留閑坊紫芝眉宇傾一坐笑
語但聞鷄舌香藥名勸酒詩實好陟釐爲我書數行真珠
的鑠鳴槽林金罌琥珀正可嘗史君子細看流光莫惜覓
醉衣淋浪獨醒至死誠可傷歡華易盡悲酸早人間沒藥
能醫老寄言歌管衆少年趣取烏頭未白前

客至當飲酒二首

結屋在墻陰閉門讀詩書懷我平生友山水異秦吳杖藜
出柴荆豈無馬與車窮通適異趣談笑不相愉豈復求古
人浩蕩與之俱客至當飲酒日月無根株

二

天提兩輪光環我屋角走自從紅顏時照我至白首纍纍
地上主往七平生友少年所種樹礫砢行復朽古人有真
意獨在無好醜七誰與論客至當飲酒

乙未冬婦子病至春不已

天旋無窮走日月青髮能禁幾回首兒呻婦嘆冬復春強
欲笑歌難發口黃卷幽尋非貴嗜藜牀穩卧雖貧有二物
長華亦可憐一生所得猶多苟

強起

寒堂耿不寐，鞭上聞車聲。不知誰家兒，先我霜上行。歎息夜未央，遽呼置前楹。推枕欲強起，問知星正明。昧旦聖所勉，齊詩有鷄鳴。嗟予以竊食，更覺負平生。

飲裴侯家

裴侯飲我日，向中四坐賓。客顏皆紅掃，除高館邀我入。自出糶麥憐民窮，天邊眼力破萬里。桑麻冥冥山四起，野心探尋殊未已。更欲湔衣北城水，忽見碧樹櫻桃懸。下馬恣食，不論錢。赤星磊落入我眼，恐是半醉遊青天。裴侯方坐塵沙裏，役身救物當如此。我曹偶脫簿領閒，何忍愛惜一日閑。且歸拂席飽眠睡，明日更看滁南山。

謝師宰赴任楚州

珠玉不自貴，故爲人所憐。賢愚亦如此，好惡有自然。聞子欲東南，使我抱幽怡。炎風沙土中，甘與子留連。大梁非無客，跪起廢食眠。相看獨不厭，以此知子賢。衰氣已難強，壯心方少年。才高豈易得，勗子在雕鐫。

二

昆崙一支流向東，七月八月船如風。愛君少壯此行樂，恨我留連成老翁。神頭兩岸水無窮，伏檻荷花滿地紅。當時不得君携手，今日山川在眼中。

次韻遊山門寺望文脊山

宣城百山閒，文脊尤奇峯。拔出飛鳥上，圖畫難爲容。聞昔有幽人，捫蘿追赤松。遺形此古室，孤坐塵裘重。人去邈不

并公文集 古詩卷十一
又洞壑空藏龍側行蒼崖煙俯仰求靈蹤遊者如可得其
無萬戶封安能久塵土傾倒相迎逢

車螯

海於天地間萬物無不容車螯亦其一埋沒沙水中獨取
常苦易衛生之明聰機緘誰使然含蓄略相同坐欲腸胃
得要命湯火攻置之先生盤噉客為一空蠻夏怪四坐不
論殼之功狼籍堆左右棄置任兒童何當強收拾持問人
醫工

疥

浮陽燥欲出陰濕與之戰燥濕相留連虫出乃後間搔膚
血至肢解衣燎鑿炭方其愜心時更自無可患乎醫急治
之莫惜千金散有樂即有苦愜心非所願

臨川王先生荆公文集卷十一

臨川先生文集之十二

古詩

和平甫舟中望九華山二首

和中甫兄春日有感

信陵坊有籠山樂官

收鹽

省兵

發廩

感事

羨玉

寄曾子固

同杜史君飲城南

有感

送孫叔康赴御史府

別馬祕丞

到郡與同官時俸

自舒州追送朱氏女弟憇獨山館宿木榴僧舍明

日度長安嶺至皖口

招同官遊東園

九日隨家人遊東山遂遊東園

秋懷

既別羊王二君與同官會飲于城南因成寄用藥名

試茗泉

躍馬泉

白紵山

七星硯

九鼎

九井

寄題衆樂亭

書會別亭

題舒州山谷寺石牛洞泉穴

和平甫舟中望九華山二首

楚越千萬山雄奇此山兼盤根雖巨壯其末乃脩
織去縣尚百里側身勇前瞻蕭條煙嵐上縹緲浮

青尖徐行稍復逼所矚亦已添精神去疊上氣象
來漸漸卸席取近岸移船傍蒼蒹窺觀坐窮臍未
覺晷刻淹江空萬物息四而波瀾恬我然九女鬟
爭出一鏡匳卧送秋月没起看朝陽暹遊氛蕩無
餘瑣細得盡覘陵空翠纛直照影寒鏗鉅冢木立
紺髮崖林張紫髯變態生倏忽雖神詎能占當留
老吾身少駐誰云饜惜哉秦漢君黃屋上衡瀟等
之事嬉遊捨此何其廉我疑二后荒神物久已厭
埋藏在雲霧不欲登昏愴又疑避衰封蔽匿以爲
謙或是古史書脫落簡與籤當特備巡遊今不在
緗縑終南秦之望泰山會所詹天王與秩祭俎豆

羅醯鹽苟能澤下民維此遠亦沾方今東南旱土
脉燥不黏尚無膚寸功豈免竊食嫌神莽吾難知
士病吾能砭文章巧傳會智術工飛箝薦寶互珪
壁論材自梗檟苟以飾婦妾謬云活蒼黔豈如幽
人樂茲山謝問閻穴石作戶牖垂泉當門簾尋竒
出後徑覽勝倚前簷超然往不返舉世徒咕咕高
興寄日月千秋伴烏蟾遐追商洛翁秦火不能炎
近慕楚穆生竟脫楚人鉗吾意竊所尚人謀諒難
僉

二

誰謂九華遠五身未嘗詹唱篇每起予予口安能

箱憶在秋浦北空江上新蟾光潔寫一鏡迴環兩
堤奩露坐引衣襟風行欹帽簷維舟當此時巨細
得盡瞻試嘗論大略次乃述微纖此山廣以深包
畜萬物兼噓雲吐霧雨生育靡不漸巍然如九皇
德澤四海沾此山相後先各出群峯尖毅然如九
官羅立在堂廉挺身百辟上附麗無姦愷此山高
且寒五月不覺炎草樹萋已綠冰霜尚涵淹頽然
如九老白髮連蒼髯此山當無雲秀色鬱以添姍
然如九女靚飾出重簾珮環與巾裙紺玉青紈嫌
遠之妍西施近或醜無鹽變態不可窮詩者徒占
帖我初勇一往役世難安恬浪荒不走職民瘼當

誰礙乖離今數旬夢想欲窺覘自期得所如何處
擇囚鉗念昔太白巔下視海日暹竭來天柱遊履
齒尚苔黏猶之徒飲食屢饗亦云厭胡為慕攀踏
已憊一不嫌豈其仁智心山水固所潛男兒有所
學進退不在占功名苟不諧廊廟等閭閻况乃掄
椽杙其誰辨榘枹歸歎巖崖居料理帶與籤得石
坐兀兀逢泉飲厭上取舍斷在獨山豈不詢謀參
語實慰我寧殊邑中黔玉荻將在山當倚以葭蒹詩
力我已屈鋒鏃子猶鋸扶復更一戰語汝其無
謙

和中甫元春日有感

塵釋沙輕馬踏疾北城可遊今暇日濺上溪谷水亂流漠
上郊原草爭出嬌梅過兩吹爛熳幽鳥迎陽語啾唧分香
欲滿錦樹園剪綠休開室刀室胡為我輩坐自苦不念茲
時去如失飽高運動車輪甘卧空堂守經帙淮蝗蔽天農
久餓越卒圍城盜少逸至尊深拱罷簫韶元老相看進刀
筆春風生物尚有意壯士憂民豈無術不成歡醉但悲歌
回首功名古難必

信陵坊有籛山樂官

萬里山林姿羽毛何確上鳴聲應律呂唯有知者愛都門
市井兒誰翫汝文采應須鎖樊籠勿受凡矰害

收鹽

州家飛符來比擲海中收鹽今復密窮囚破屋正嗟歎吏
兵操舟去復出海中諸島古不毛島夷為生今獨勞不煎
海水餓死耳誰肯坐守無亡逃爾來賊盜往上有劫殺賈
客沈其艘一民之生重天下君子忍與爭秋毫

省兵

有客語省兵兵省非所先方今將不擇獨以兵乘邊前攻
已破散後距方完堅以衆充彼寡雖危猶幸全將既
非其才議又不得專兵少敗孰繼胡來飲秦川萬一雖不
爾省兵當何緣驕惰習已久去歸豈能田不田亦不桑衣
食猶兵然省兵豈無時施置有後前王功所由起古有七
月篇百官勤儉慈勞者已息有游民慕草野歲熟不在天

擇將付以職省兵果有年

發廩

先王有經制頒賚上所行後世不復古貧窮主兼并非民獨如此為國賴以成築臺尊寡婦入粟至公卿我嘗不忍此願見井地平大意苦未就小官苟營七三年佐荒州市有棄餓嬰駕言發富藏云以救鰥惻崎嶇山谷間百室無一盈鄉豪已云然罷弱安可生茲地豐實土沃人良耕他州或此皆窳貧貴不難評函詩出周公根本詐宜輕頌書七月篇一寤上聰明

感事

賤子昔在野心哀此黔首豐年不飽食水旱尚何有雖無

剽盜起萬一且不久特愁吏之為十室災八九原田敗粟麥欲訴嗟無賊間閔幸見省管扑隨其後況是交冬春老弱就僵仆州家閉倉庾縣吏鞭租負鄉鄰銖兩徵坐逮空南畝取貨官一毫姦桀已云富彼昏方怡然自謂民父母竭來佐荒邦慄慄常漸疚昔之心所哀今也執其咎乘田聖所勉況乃余之陋內訟敢不勤同憂在僚友

羨玉

羨玉小瑕疵國工猶珍之大賢小玷缺良交豈其絕小缺可以補小瑕可以磨不補砥磨人為柰尔何

寄魚子固

吾少莫與合愛我君為最君名高山嶽崑崙嵩與太低心

收瘵支似不讓塵盞又如滄江水不逆溝畎澮君身揭日月遇輒破氛霽我材特窮空無用補倉廩謂宜從君久垢污得汰汰人生不可必所願在顛沛垂離五年餘牢落千里外投身落俗弄薄宦自鉗鉢平居每自守高論從誰丐搖上西南心夢想與君會思君挾竒璞願售無良僧窮閭抱幽憂凶禍費襦袷州窮吉士少誰可壻諸妹仍聞病連月醫藥誰可賴家貧奉養狹誰與通貨具詩人刺曹公賢者荷戈役奈何遭平時德澤盛汪濊鸞鳳鳴且下萬羽來翻上吻上林間鹿爭出噬草蕪乃令高世士動輒遭狼狽人事既難了天理尤茫昧聖賢多如此自古云無柰周人貴婦女扁鵲名醫滯今世無常勢趨舍唯利害而君信斯

道不閔身窮泰弃捐人間樂濯耳受天籟諒知安肥甘未肯顧糠糲龍螭雖蟠屈不慕地蟬蛻今人重感奮意勇忘身最何由日親炙病體同破艾功名未云合歲月尤須惜懷思切磨効中夜淚霑霑君嘗許過我早晚治車軌山蹊雖峻惡高眺發蒙眊峯巒碧參差木樹青掩藹桐江路尤駛飛泉下鳴瀨魚村指暮火酒舍瞻晨旆清醪足消憂玉鯽行可膾行上願無留日夕佇傾蓋會將見顏色不復謀著蔡延陵古君子議樂恥言鄙細事豈足論故欲論其大披上發韃橐上見戈銳探深犯嚴壁破惑翻強檜離行步至闌偶坐陰松檜宵床連衾帳晝食共鹿羈茲歡何時合清瘦見衣帶作詩寄微誠上語無絲繪

同杜史君飲城南
山公遊何處白馬鳴
七檀那十畝碧五月浮寒煙留客
聽其間風吹江海絲出罇不見日
竹外空青天焚蠟助月
出酒光發金船狂客惜不去醉翁舞回旋何必吹簫人玉
枝自嬋娟歸路惜紅燭兩星低馬前

有感

憶昨與胡子戲娛西城幽放斥僕與馬獨身步田疇牛豎
歌我旁聽之為久留一接田父語嘆之聖王侯追逐恨不
恣暮歸輒懷愁顧常輕千乘祗願足一丘子時怪我少好
此寂寞遊筮皇不入耳又不甘黷羞那知抱孤傷罷頓不
能道世味已鮮少但餘野心稠乖離今年班髮滿我頭
昔興亦畧盡食眠常百憂每逢佳山水欲往輒復休方壯
遂如此况乃高春秋

送孫叔康赴御史府

古人喜經綸萬事慙強聒時來上青冥俯仰但一節危言
回丘山聲利盡毫末由來治亂體宿昔心已達肯隨俗好
惡議論輕自決遺風何寨七夢寐待豪傑天書下東南趣
召赴嚴闕長材晦朝倫高行隱家闈新除醅問望宿蘊行
施設念吾非忘形此理未易說

別馬祕丞

伯夷惡一世季也皆鄉人吾嘗論夫子有似季之倫人情
路禹殊近世頗荆榛唯君遊其間坦七得所循意君誠愷

第幕向從宿昔柰何初相懼鷓首已云北海七郊原青漠
七風雨黑冠蓋滿津亭君今去何適

到郡與同官

特作
舒州

瀉碧云七橫帶郭浮蒼露七遙連閣草木猶疑夏鬱葱風
雲已見秋蕭索荒歌野舞同醉醒水果山肴互酬酢自嫌
多病少權顏獨負嘉賓此時樂

自舒州追送朱氏女弟憇獨山館宿木榴僧舍

明日度長安嶺至皖口

晨霜踐河梁落日憇亭皇念彼千里行惻七我心勞攬纏
上層岡下臨百仞濠寒流咽欲絕魚鼈久已逃暮行苦澶
迴細路隱蓬蒿驚磨山馬前鳥駭七其曹長僧避夜雨古

藥昏無膏山木鳴四壁疑身在波濤平明長安頂飛雪忽
涌抱天低浮雲深更覓所向高

招同官遊東園

青七石上藥霜至亦已凋舟七水中蒲爾生信無聊感此
歲云晚欲懼念誰邀嘉我二三子為回東城鑿齒菊尚可
泛取魚繫榆條毋為百年憂一日以逍遙

九日隨家人遊東山遂遊東園

暑往詎幾時涼歸亦云暫相隨東山樂及此身無憾聊回
清池拖更伏荒城檻采七黃金花持盃為君泛

秋懷

城南平野寒多露窓壁含風秋氣度鄰桑滅七已欲空悲

虫啾七促機杼柴門半掩掃馬迹獨抱殘篇與神遇韓公
既去豈能追孟子有來還不拒

既別羊王二石與同官會飲于城南因成寄用

蔡名

赤車使者白頭翁當歸入見天門冬與山久別悲忽上澤
鴻半天河漢空羊王不留行薄晚酒肉從容追路遠臨流
黃昏席未卷玉壺倒盡黃金盞羅列當辭更繾綣預知子
不空青眼嚴徐長卿誤推挽老年揮翰天子苑送車陸續
隨子這坐聽城雞腸宛轉

試茗泉

此泉地何偏陸羽曾未閱坻沙光散射嘗乳其潛洩靈山

不可見嘉草何由啜但有夢中人相隨陶明月

躍馬泉

古水縮蛟螭憎山欲墮突山祇來伐之半嶺跳齧滕王珂
鳴塞空組練光照日崩騰赴不測一陷常萬匹神戰異人
問千秋為儵忽泉勞往來客夜寄幽人室但聽鳴蕭上何
由見神物

白紵山

白紵衆山頂江湖所縈帶浮雲卷晴明可見九州外肩輿
上寒空置酒故人會峯峦悵錦繡草木吹竽籟登臨信地
險俯仰知天大留歡薄日晚起視飛鳥皆殘年苦局束往
事嗟摧壞歌舞不可求桓公井空在

余聞星墮地往上化為石上上有七星此理余莫測持來
當白日光彩不為匿恍如起鴻蒙俛仰帝垣側常由偶然
似見取參筆墨豪心蕩珍異樂以萬金得南工始為偽傳
台巧無隙亦時疑世人故自有能識

七星硯

九鼎

禹行拙山走百谷蛟龍窟藏魑魅伏心誌幽妖尚覲隙以
金鑄鼎空九牧冶雲赤天漲為黑蒲風餘吹山接木鼎成
聚觀變怪索夜人行歌鬼晝哭功施元上彼無極三姓衛
守相傳屬弱周無人有宜出沉之九幽上地軸始皇區上
求不得坐令神姦窺邑屋

九井得盈

泐崖涉澗三十里高下犖确無人耕柶蘿恍焉到山趾仰
見吹瀉何崢嶸餘聲枝林欲風雨未勢卷土猶溪阮飛蟲
凌競走獸慄霜雪夏落雷冬鳴野人往上見神物鱗甲漠
上雲隨行我來立久無所得空數石上肩莆生中官繫龍
沉玉冊小吏礫狗澆銀觥地形偶爾藏險怪天意未必司
陰晴山川在理有崩竭丘壑自古相虛盈誰能保此千世
後天柱不折泉常傾

寄題衆樂亭

陵陽遊觀吾所好恨不即過衆樂亭嘗聞髮髯入夢寐吟
筆自欲圖丹青千峯秀出百里外忽於其上崢嶸楹朝雲

嘯岳日暖七夜水落澗風冷七春花窈窕鳥爭舞夏木陰
鬱影猿哀鳴潦收葉落天地爽海月影到山川明籃輿晨出
誰與適坐與萬物觀虛盈令思民事不忍後田間笑語催
蠶耕吏休歸舍獄訟少墀落飲酒欲秋成唯愁一日奪令
去出來老稚交逢迎彼民安知方祿仕徒喜使我寬逋征
令知道義士林服遺愛豈用吾詩評

書會別亭

西城路君入送客西歸處年七借問去何時今日扁舟從
此去春風吹花落高枝飛來飛去不自知路上行人亦如
此應有重來此處時

題舒州山谷寺石牛洞泉穴

皇祐三年九月十六日自州之太湖

過陸寧縣山谷乾元寺宿與道人文鏡弟安國
權火銷石牛洞見李翱留之書听泉久之明日
復遊乃刻
君之後

水冷七而北出山靡七而旁圍欲窮源而不得竟悵望以
空歸

臨川王先生荆公文集卷十三

古詩

泊舟姑蘇

崑山慧聚寺次五郊韻

如歸亭順風

垂虹亭

張氏靜居院

丙戌五日京師作二首

荅客

次韻唐彦猷華亭十詠

顧林亭

寒穴

吳王獵場

始皇馳道

柘湖

陸瑁養魚池

華亭谷

陸機宅

崑山

三女崗

太白嶺

禿山

贈曾子固

鮑公水

寄李士寧先生

僧德殊水簾

杭州脩廣師法喜堂

復至曹娥堰寄丁元珍

答曾子固南豐道中所寄

寄贈胡先生

得子固書因寄

寄虔州江陰二妹

登越州城樓

憶昨詩示諸外弟

泊舟姓蘇

朝遊盤門東暮出閭門西四顧茫無人但見白日低荒林
帶昏煙上有歸鳥啼物皆得所託而我無安棲

崑山慧聚寺次孟郊韻

僧蹊蟠青蒼莓苔上秋葦露翰饑更清風礪遠亦香掃石
出古色洗松納空光久遊不忍還迫近冠蓋場

如歸亭順風

春江窈窕來無地飛帆浩上窮天際朝出吳川夕雪溪回
首喬林吹岸薺稚師高卧自嘯歌載彼挽舟行復止人生
萬事及行多道路後先幾幾何

垂虹亭

三江五湖口地與天不隔日月所蔽虧東西渺然白漫漶
浸北斗浩上浮南極誰投此虹蜺欲濟兩間阨中流雜蜃
氣欄楯相承翼初疑神所為滅沒在頃刻晨興坐其上傲
兀至中吳猶憐變化功不謂因人役今君持酒兼談笑顧
賓客頗誇九州物壯麗此無敵滎煌丹沙柱璀璨黃金壁
申家不慮始助我皆豪殖喟予獨感此剝爛有終極改作
不可無還當采民力

張氏靜居院

動者利進為靜者樂止居物性有偏得惟賢時卷舒張侯
始出仕所至多名譽老矣歸偃休買地斲荒蕪屋成為今

蘇公集 古詩卷十三
名名實與時俱南堂棲幽真晨起瞻像圖北堂畫五禽游
戲養形軀燕有諸賓庭學有諸子廬問侯年幾何矯七
十餘問侯何能爾心不藏憂愉問侯客何為弦歌飲投壺
問侯兒何讀夏商及唐虞嵩山填門戶洛水遶階除疾於
山水間結駟有通衢我念老退者古多賢大夫留侯亦養
生乃欲凌空虛閉門不飲酒豈異山中驪蹕傳稍喜客揮
金能自娛不聞喜教子滿屋青紫朱張侯能兼取勝事古
所無褒稱有樂石丞相為之書而我不自量聞風亦歌呼

丙戌五日京師作二首

此風閣雨去不下驚沙蒼茫亂昏曉傳聞城外八九里
雷大如拳死飛鳥

二

浮雲離披久不合太陽獨行乾萬物誰令昨夜雨
露灑北風蕭上寒到骨

答客

士常疑西伯何至羨里辱瞽鯀親父子尚脫井廩酷昏主
雖聖臣飛禍安可卜致命遂其志雖窮不為戮

次韻唐彦猷華亭十詠

顧林亭 野王所居也

寥上湖上亭不見野王居平林豈舊物歲晚空扶踈自古
聖賢人邑國皆丘墟不朽在名德千秋想其餘

寒穴

神農冽冰霜高穴與雲平空山溽秋不出嗚咽聲山風
吹更寒山月相與清北客不到此如何洗煩醒

吳王獵場

吳王好射虎但射不操戈匹馬掠廣場萬兵助遮羅時平
事非昔此地桑麻多猛獸亦已盡牛羊在田坡

始皇馳道

穆王得八駿萬事得期修荒七萬載間復此好遠游車輪
與馬跡此地亦嘗留想當治道時勞者尸如丘

柘湖湖神有山生柘故名柘湖記云

八湖為神今有廟

柘林著湖山菱葉蔓湖濱秦女亦何事能為此湖神年々

賽雞豚漁子自知津幽
狡窟險阻禍福易欺人

陸瑁養魚池

野人非昔人亦復水上居紛々水中游豈是昔時魚吹波
浮還沒競食糟糠餘吞舟不可見守此歲月除

華谷亭 水行三百里入松江

巨川非一源亦在衆流此谷乃清淺松江賦覆舟蟲魚
何所知上下相沉浮徒嗟大盈北浩無春愁華亭水自
大盈入松江而北入海

陸機宅

故物一已盡嗟此歲年深野桃自著花荒棘自生鍼羊
谷水陽鬱崑山陰俛仰但如昨遊者不可尋

崑山

世傳陸氏家生機雲故名崑山言生三

至人生此山山亦傳此名崖風與穴水清越有餘聲悲哉
世所珍一出受歌傾不如鶴與猿棲息尚全生

三女崗 王莽三女於此

自古世上雄慷慨擅功名當時豈有力能使死者生三女
共一丘此憾亦難平音容若有作無力傾入城

太白嶺

太白巖從東南馳衆嶺環合青紛披煙雲厚蕈皆可愛樹
石味密自相宜陽春已歸鳥語樂溪水不動魚行遲生民
何處得處所與茲魚鳥相諧熙

秃山

吏役滄海上瞻山一停舟怪此秃誰使鄉人語其由一徂
山上鳴一徂從之遊相匹乃生子衆孫還稠山中草木
盛福實始易求攀挽上極高屈指亦窮幽衆徂各豐肥山
乃盡侵年攘爭取一飽豈暇議藏收大徂尚自苦小徂亦
已愁稍七愛咋啣一毛不得留徂雖巧過人不善操耨耨
所嗜在杲穀得之常似偷嗟此海山中四顧無所投生
未云已歲晚將安謀

贈曾子固

曾子文章衆無有水之江漢星之斗挾才乘氣不媚柔群
兒謗傷均一口吾語群兒勿謗傷豈有曾子終皇七借令
不幸賤且死後日猶為班與揚

鮑公水

村南鮑公山々北鮑公水高穴迢遠源冷々落山先角玉色
與飴味不可他味比竹樹四蒙密翠藤相披靡漫即昔少
年幽居得之此臨窺若有遇愛歎無時已浮名未汙染亦
矢終焉爾奈何中棄入長安十載風塵舊顏謹言滿耳不
可洗此水冷々空在山

寄李士寧先生

樓臺高聳間晴霞松檜陰森夾柳斜渴愁如箭去年華陶
情滿上傾榴花自嗟不及門前水流到先生雲外家

僧德殊家水簾求予詠

淙々萬音落石顛皎々一派當簾前清風高吹鸞鶴唳白

日下照蛟龍涎浮雲粧額自能卷缺月琢鉤相與縣朱門
試問幽人價翡翠鮫綃不直錢

杭州脩廣師法喜堂

浮屠之法與世殊洗滌萬事求空虛師心以此不掛物一
堂收身自有餘堂陰置石雙帶嶼石脚立竹青扶疎一來
已竟肝膽豁况乃宴坐窮朝晡憶初救時勇自許壯大看
俗尤崎嶇曹車肥馬載豪傑少得志願多憂虞始知進退
各有理造次未可分賢愚會將築室返耕釣相與此處吟
山湖

復至曹娥堰寄剡縣丁元珍

溪水渾々來自北千山抱水清相射山深水急無艇子欲

從故人安可得故人昔日此水上罇酒扁舟慰行役津亭
把手坐一笑我喜滿懷君動色論新講舊惜未足落日低
徊已催客離心自醉不復飲秋果寒花空滿席今年却坐
相逢處怳悵難求別時迹可憐溪水自南流安得溪船問
消息

答曾子固南曹道中所寄

吾子命世豪術李窮無間直意慕聖人不問閔與顏彼昏
何為者誣構來嘖上應逮犯秋陽動為人所歎不卸我躬
瘁乃嗟天澤慳令人念公卿燁上趨王班泊無憫世意徂
遠而佩環愛子所守卓憂予不能攀求矢從子游合如靡
上鰥願言借餘力迎浦踈濠上亦有衣上塵可攀裨太山

大江秋正清島嶼相縈互西野浩無主日暮煙霞斑水竹
密以勁霜楓表更殷賞託亦云健行矣非閒關相期東北
遊致館淮之灣無為襲竄羸悠然及溫遠

寄贈胡先生并序

孔孟去世遠矣信其聖且賢者質諸書焉耳翼之先生與
予並世非若孔孟之遠也聞薦紳先生所稱述又詳於書
不待見而後知其人也歎慕之不足故作是詩

詩

先生天下豪傑魁胸臆廣博天所開文章事業望孔孟不
復睥睨蔡與崔十年留滯東南州飽足藜藿安蒿萊獨鳴
道德驚此民上之聞者源上來高冠大帶滿門下奮如百

并公文集 古詩卷十三
蟄乘春雷惡人沮服善者起昔時蹻跡今騫回先生不試
乃能尔誠令得志如何哉吾願聖帝營太平補葺廊廟枝
傾頽披旒發纒廣耳目照徹山谷多遺材先收先生作梁
柱以次構架桶與榱群臣面帝深拱仰載堂陛方崔嵬

得曾子固書因寄

始吾居揚日重問每見及云將自親側萬里同講習子行
何舒七吾望已汲七窮年憂東南顏色不可挹仁賢豈欺
我正恐事維縶嚴親抱憂衰生理賴以給不然航江小天
寒北風急無乃山路惡僕弱馬行澁孤懷未肯開歲物忽
如蟄竭來高郵住巷屋頗卑濕蓬蒿稍芟除茅竹隨補葺
苟云禦風氣尚恐憂雨汁故人莫在眼屢獨開中笈忠信
蓋未見吾敢誣茲邑出閔誰與語念子百憂集眺聽聊自
放日暮城頭立徐歸坐當戶使者操書入時開識子意如
渴得美酒驪駒日就道玉手行可執舊學待鐫磨新文得
刪拾重登城頭望喜氣滿原隰

寄虔州江陰二妹

貢水日夜下下與章水期我行二水間無日不爾思飄若
越鳥北心常在南枝又如岐首蛇南北兩欲馳逝者日已
遠百憂詎能追生存苦乖隔邂逅亦何時女子歸有道善
懷見於詩度云留汝車慰我堂上慈

登越州城樓

越山長青水長白越人長家山水國可憐客子無定宅一

夢三年今復北浮雲縹渺抱城樓東望不見空回頭人間
未有歸耕夢早晚重來此地遊

示
憶昨詩云諸外第

憶昨此地相逢時春入窮谷多方非短垣困七冠翠嶺躑
躅萬樹紅相圍幽花媚草錯雜出黃蜂白蝶參差飛此時
少壯自負恃意氣與日爭光輝乘閒弄筆戲春色脫略不
省旁人譏坐欲持此博軒冕肯言孔孟猶寒飢丙子從親
走京國浮塵空並緇人衣明年親作建昌吏四月挽船江
上磯端居感慨忽自寤青天閃爍無停暉男兒少壯不樹
立挾此窮老将安歸吟哦圖書謝慶弔坐室寂寞生伊威
材疎命賤不自揣欲與稷契退相晞旻天一朝昇以禍先

子泯沒子誰依精神不離肝肺絕骨血被面無時晞母兄
呱上泣相守三載厭食銀山薇屬聞降詔起群彥遂自下
國趨王畿刻草琢句獻天子鈞取薄祿歡庭闈身著青衫
手持版奔走卒歲官淮沂上無山四封庫獨有廟塔尤
峩巍時上憑高一悵望想見江南多翠微歸心動勝不可
抑霍若猛吹翻旌旂騰書漕府私自列仁者惻隱從其所
暮春三月亂江水勁棹健帆如轉機還家上堂拜祖母奉
手出涕縱橫揮出門信馬向何許城郭宛然相識稀永懷
前事不自適却指鼻館排山麻當寄鬢鬼戲我側于今冠
佩何煩上况復丘樊滿秋色蜂蝶摧藏花草腓令人感嗟
千萬緒不忍蒼卒回駭駭留當開樽強自慰邀子劇飲母

子遠

臨川王先生荆公文集卷十三

[Faint bleed-through text from the reverse side of the page]

臨川王先生荆公文集卷第十四

律詩五言八句

欣會亭

東臯

歲晚

半山春晚即事

歌眠

露坐

山行

題寶公塔院祠堂

定林

送張甥赴青州幕

送張宣義之官越幕二首

送贊善張軒民西歸

送鄧監簿南歸

秋夜二首

即事

晝寢

過故居

鴈

與道原過西莊遂遊寶來二首

送陶氏婦燕寄純甫

自府中歸寄西巷行詳

贈上元宰深之儀承儀

贈殊勝院簡道人

懷吳纘道

淨照室

靈遊草堂次韻三首

題齊安寺山亭

自白門歸望定林有寄

宿定林示無外名務周

宿北山示行詳上人

獨飯

并公文集

草堂

示耿天驕

光宅

示無外

北山暮歸示道人

懷古二首

與寶覺宿精舍

中書偶成

華藏寺會故人 得衆字

求全

秋風

次韻昌叔歲莫

次韻酬昌叔羈旅之作

欣會亭

數家鄰水竹一塢共雲林晚食靜適口獨謠欣會心移牀
隨漫與操笑取幽尋未愛神錐汝猶憐妙斲琴

東臯

起伏晴雲徑縱橫暖水陂草長流翠碧花遠沒黃鸝楚製
從人笑吳吟得自怡東臯興不淺遊走及芳時

歲晚

月映林塘澹風含笑語涼俯窺憐綠淨小立佇幽香携幼
尋新的扶衰坐野航延綠久未已歲晚惜流光

緣

并公文集
半山春晚即事
春風取花去，酬我以清陰。
翳上陂路靜，交交園屋深。
淋敷每小息，杖屨或幽尋。
惟有北山鳥，經過遺好音。

敬眠

翠幙卷東岡，敬眠月半牀。
松聲悲永夜，荷氣馥初涼。
清話非無寄，幽期故不忘。
扁舟亦在眼，終自懶衣裳。

露坐

露坐看瀟月，飄然風度荷。
珠跳散作點，金湧合成波。
老失芳歲易，靜知良夜多。
陵秋久不寐，吾樂豈弦歌。

山行

出寫清淺景，歸穿蒼翠陰。
平頭均楚製，長耳嗣吳吟。
暮嶺

已佳色寒泉，仍好音誰同。
此真意倦鳥，亦幽尋

題粵祠堂在寶公塔院

斯文實有寄，天豈偶生才。
一日鳳鳥去，千秋梁木摧。
煙留衰草恨，風造暮林哀。
豈謂登臨處，飄然獨往來。

定林

漱甘涼病齒，坐曠息煩襟。
因脫水邊履，就數巖上衾。
但留雲對宿，仍值月相尋。
真樂非無寄，悲蟲亦好音。

送張甥赴青州幕

人情每期費，之子適予心。
老饒城東陌，悲分歲暮襟。
少留班露草，遂往隔雲林。
未覺青丘遠，因風嗣好音。

送張宣義之官越幕二首

秋奉作羊

會稽遊宦鄉海物錯句草土潤箭萌羨水其茶串香今君
誠暫屈他日恐難忘唯有西興渡靈骨或怒張

二

誰謂貴公子乃如寒上家真宜舉敦樸已自勝浮華洲荻
藏迷子溪篔簹若耶相望只在眼音問莫言賒

送蒼善張軒民西歸

柴荆雀有羅公子數經過邂逅相知晚從容所得多百憂
生暮齒一笑隔滄波早晚西州路遙聽下坂珂

送鄧監簿南歸

不見驪塘路茫然四十春長為異鄉客每憶故時人水闊
公三世雲浮我一身濛濛送歸處握手但悲辛

秋夜二首

客卧書顛倒蟲鳴坐中常
殘燈生暗暈重露集寒條真樂
閑尤見深禪靜更超此心
無與晤擁鼻一長謠

二

慢逗長風細窻留半月斜
浮煙暝綠草滋露冷黃花獨曳
緣雲策仍尋度水槎歸時
參夜半鄰犬靜中譁

即事

徑暖草如積山晴花更發
縱橫一川水高下數家村靜憩
雞鳴午荒尋犬吠昏歸來
向人說疑是武陵源

書寢甲子四月十七日午時作

井邊縱蕪漫青藜亦倦扶
百年唯有且萬事總無如弃置

蕉中鹿驅除屋上鳥獨眠
煦日午徃七夢華昏

過故居

泝枕開新屋杖輿遠故園
事遺心獨寄路窮目空存
野果其林寂蠻花午簟溫
難忘舊時處欲宿愧桑門

馮

北去還為客南來豈是歸
倦投空渚泊飢帖冷雲飛
垣柵雞長暖溝池鴛自肥
憐渠不知此更墮野人機

與道原過西莊逐遊寶乘

元豐四年十月二十四日

桑楊一作麻已零落藻荇亦一竹
復消沈園宅在人境歲時傷我心
強穿西一作南塋路共望北山岑
欲覓一作與

道人語跨鞍聊一尋

二

親朋會合少時存感傷多
膝跣聊為樂清談可當歌
微風淡水竹淨日暖煙蘿興
極猶難盡當如清暮何

送陶氏婦蕪寄純甫

雲結川原暗風連草木委
遙瞻李行役正對女傷悲
憂事中千變生涯老百罹
更慚無道力臨路涕交頤

自府中歸寄西嶼行詳

意衰難自力扶路便思還
強逐蕭騷水遙看慘淡山
行尋香草遍歸淒晚雲間
西嶼分明見幽人不可攀

贈上元筆梁之儀承儀梁多留詩在江寧僧舍

白下有賢宰能歌如紫芝民欺自不忍縣治本無為風月
誰同賞江山我亦思粉牆侵醉墨怡悵綠苔滋

贈殊勝院簡道人

早悟若山善今為洛社豪有生常寂寞所得是風騷露夕
吟逾苦雲收思共高此懷差自適千社一牛毛

懷吳巖道

南郭紅亭冷西山白道曛江光凌翠氣洲色亂黃雲歲暮
誰邀客情親故憶君天涯獨悵歸鳥黑紛

靜照堂

任公時會稽海上得招提淨觀堂新構幽子客屢攜飛簷
出風雨灑翰落虹蜺投老黃塵陌東看路恐迷

重遊草堂次韻三首

垣屋荒蕪野殿冷檀沈鶴有思顯意鷹無戀道心禪房
閉深竹齋鉢度遙岑寂寞黃塵裏金身倚一尋

二

僧殘尚食少佛古但泥多寒守三衣法飢傳一鉢歌寬閑
每迸竹危朽漫牽蘿悵悵庭前柏西來意若何

三

野寺真蘭若山僧老病多疎鍾挾谷響悲梵入樵歌水映
茅簷竹雲埋為女蘿拂鹿書所見因得擬陰何

題齊安寺山亭

此山無躑躅故國有楊梅悵望心常折殷勤年自我暮年

逢火改晴日對花開萬里烏塘路春風自往來

自白門歸望定林有寄

寒馱愁石路余亦倦躋攀不見道人久忽然芳歲殘朝隨
雲暫出暮與鳥爭還杳青松壑知公在兩間

宿定林示無外名務周

天女穿林至姒娥度隴來欲歸今晚晚相值且徘徊誰謂
我忘老如聞蟲造衣鄰衾亦不寐共盡白雲杯

宿北山示行詳上人

都城羈旅日獨許上人賢誰為孤峯下還來宴坐邊是身
猶夢幻何物可攀緣坐對青燈落松風咽夜泉

獨飯

窓明兩不惜榻淨一簾篠榻幽人夢天老者居安能
問香積誰可告華芥獨飯牆陰轉看雲坐久如

草堂

草堂今寂寞往事翳山椒蕙帳空留鶴羅衣終換貂生皆
隨天袞隱或寄公朝疊頽何勞怒東風汝自搖

示耿天騭

挾策能傷性捐書可盡年弦歌無舊習香火有新緣白土
長岡路朱湖小洞天望公時顧我於此暢幽怡

光宅

今知光宅寺牛首正當門臺殿金碧毀丘墟桑竹繁蕭上
新犢卧冉上暮鷄翻回首千歲憂雨花何足言

示無外

支頤橫口語椎髻曲肱眠莫問誰賓主安知汝輩爭鄰雞
生于寂幽草弄秋妍却憶東窗簾繡藤故宛然

北上暮歸示道人

千山復萬山行路有無間花發蜂繞繞果垂猿對攀獨尋
寒水度欲趁夕陽還天黑月未上兒童初掩關

懷古二首

日密畏前境淵明欣故園那知飯不賜所喜菊猶存亦有
牀座好但無車馬喧誰為吾侍者稚子候柴門

二

長者一牀室先生三徑園非無飯滿鉢亦有酒盈樽不起

華邊坐常開柳際門漫知談實相談辯已忘言

與寶學宿精舍

擾上復上翻上秋牀燭屢昏真為說萬物豈止秋三言問義
曹溪室捐書闕里門若知同二妄目擊道逾存

中書偶成

忽上余年往茫上不自知慙慙照清淺邂逅見衰遲輔世
無賢業容身有聖時歸歟今可矣何以長人為

華藏寺會故人得泉字

百憂成阻闕一笑得留連城郭西風裏園林落照前共知
官似夢莫負酒如泉興罷重携手江湖即渺然

求全

求全傷德義欲速累功名玉要藏而待苗非獲故生未妨
徐出書何苦急墮成此道今亡矣嗟誰可與明

秋風

攀斂一何饗天機亦自勞牆隈小翻動屋角盛呼號漠也
驚沙密紛上斷柳高江湖豈在眼昨夜夢波瀾

次韻昌叔歲暮

城雲漏日晚樹凍裏春深松密魚雖暖巢危鶴更陰橫風
高曠矜殘溜細鳴琴歲換兒童喜還傷老大心

次韻酬昌叔羈旅之作

君方困旅食予亦誤朝簪自索東方米誰多季子金高門
萬馬散窮巷一燈深客主竟何事蕭條梁父吟十四卷終

臨川王先生荆公文集卷第十五

律詩五言八句

次韻唐公三首

鳥塘

欲歸

發館陶

王村

長垣北

冬日

壬辰寒食

雨中

宿雨

乘日

秋露

還自河北應客

將次洛州趨漳上

和仲度夜過新開湖憶冲之仲徐共泛

送契丹使還次韻蒼淨因老

送吳叔開南征

遊棲霞庵約平甫至因寄

和棲霞寂照庵僧雲渺

宜春苑

春日

癸卯追感正月十五事

晚興和冲卿學士

秋興和冲卿

次韻冲卿除日春

題友人郊居水軒

遊賞心亭寄復州女弟

江亭晚眺

金山寺

揖仙閣

舟夜即事

何處難忘酒二首

送孫子高

送董傳

寄深州晁同年

白雲然師

自白土村入北寺二首

題朱郎中白都莊

史教授獨善堂

寄福公道人

身閑

還家

題湯泉壁示諸子有欲閑之意

和唐公舍人訪淨因

泝溪懷正之

答許秀才

次韻唐公三首

東陽道中

山蔽吳天密江蟠楚地深浮雲堆白玉落日寫黃金渺渺
隨行旅紛紛換歲陰強將詩詠物收拾濟時心

江行

材非當世用轂有故人推使節春冬換征帆日夜開南游
取守越東望得州來試盡風波惡生涯亦可哀

旅思

此身南北老愁見問征途地大蟠三楚天低入五湖看雲
心共遠步月影同孤慷慨秋風起悲歌不為鱸

烏塘

地僻居人少山稠伏獸多怒狸朝搏鴈晚虎夜窺騾籬落
生孫竹門庭上女羅未應愁寂寞六載一經過

欲歸

水漲青天暖沙吹白日陰塞垣春錯莫行路老侵尋綠稍
纒幽草紅應動故林縹緲一盃酒滿眼欲歸心

發館陶

促轡數殘更似聞雞一鳴春風馬上夢沙路月中行笳鼓

遠多思衣裘寒始輕稍知田父穩燈火閉柴荆

王村

曉靄王村路春風北使旗塵催輕騎走寒咽短蕭吹攬轡
曉貂帽投鞭各酒卮紛紛小兒女何事倚牆窺

長垣北

攬轡長垣北貂寒不自持霜風急鼓吹煙月暗旌旗騎火
流星點牆桑亞戟枝柴荆掩春夢誰見我行時

冬日

擾心今非昔漫上夜復晨風沙不貸客雲日欲迷人散髮
愁邊老開顏醉後春轉思江海上洗白綸巾

千辰寒食

客思似楊柳春風千萬條更傾寒食淚欲漲冶城潮巾髮
雪爭出鏡顏朱早雕未知軒冕樂但欲老漁樵

雨中

尚疑櫻欲吐已恠菊成漂紫萸凌風怯青苔挾雨驕長閑
故有味多難自無聊牢落柴荆晚生涯付一飄

宿雨

綠攪寒蕪出紅爭暖樹歸魚吹塘水動鴈拂寒垣飛宿雨
驚沙盡晴雲晝漏稀却愁春夢短燈火著征衣

乘日

乘日寒垣入御風塘路歸胡皆躍馬去鴈却背人飛煙水
吾鄉似家書驛使稀忽上照顏色恨不洗征衣

秋繁

日月凋何急荒庭露送秋初疑宿雨泫稍怪曉霜稠曠野
將馳獵華堂已御裘空令半夜鶴抱此一端愁

還自河北應客

媿客問謠俗舊傳今自如材難知驥馬味羨賽河魚塞水
移民久川防動衆初北人雖異論時議或非踈

將次洛州憩漳上

漠上春風裏葺上綠未齊平田鷓散啄深樹馬迎嘶地入
河流曲天隨日去低高城已在眼聊復解輕齋

和仲度夜過新開湖憶沖之仲涂共泛

水遠浮秋色河空洗夜氛行隨一明月坐失雨孤雲露髮

此時濕風頗何處醺淹留冬不趣不比漢三君白樂天有
一處成孤雲之句

送契丹使還次韻合淨因老

老欲不吾志時方披我華強將愁出塞空得病還家日轉
山河暖風含草木葩勝遊思一往不敢問三車

送吳叔開南征

慘袂不勝情犀舟擊汰行倦遊無萬里惜別有千名春草
淒淒綠江楓湛湛清金陵多麗景此去屬蘭成

遊棲霞庵約平甫至因寄

渺上林間路蕭蕭物外僧高陰涼易入閑貌老難曾官事
真傷錦君恩更飲水求田此山下終欲伴陳登

和棲霞寂照庵僧雲渺平甫

蕭然一世外所樂有誰同安坐能忘老齋蔬不過中無心
為佛事有客問家風笑謂西來意雖空亦不空

宜春苑

宜春舊臺沼日暮一登臨解帶行蒼鮮移鞍一作鞍坐綠
陰樹隸鳥遠水靜落花深無復增脩事君王惜費金

春日

冉冉春行暮菲菲物競華鶯猶求舊友鷺不肯貧家室有
賢人酒門無長者車醉眠聊自適歸夢到天涯

癸卯追感正月十五事

正月端門夜金輿縹緲中傳觴三鼓罷縱觀萬人同整蹕

聲如在嬉遊事已空但令千載後追詠太平功

晚興和沖卿學士

刻也風生晚娟七月上初白沙眠綠驥清浪浴鱣魚竟欲
從吾飲猶便讀我書斜陽不到處牆角樹扶踈

秋興和沖卿

雲浮朝慘淡風起夜颼颼欲作冰霜地先迴草樹秋征人
倚笛怨思婦向砧愁為問隨陽鴈哀鳴豈有求

次韻沖卿除日立春

猶殘一日臘併見兩年春物以終為始人從故得新迎陽
朝翦綵守歲夜傾銀恩賜隨嘉節無功祇自塵

題友人郊居水軒

田中三畝宅水上一軒開為有漁樵樂非無仕進媒槎頭
收晚釣荷葉卷新醅坐說魚腴羨功名挽不來

遊賞心亭寄虔州女弟

秀發千峯霽清涵萬里秋滄江天上落明月鏡中流眼與
菟俱斷身依影獨留為憐幽興極不見爾來遊

江亭晚眺

白下崦嵫外秋生沈碣間清江無限好白鳥不勝閑雨過
雲收嶺天空月上灣歸鞍侵調角回首六朝山

金山寺

重經高處寺一與白雲親樹木有春意江山如故人幽軒
含氣象偏影落風塵日暮臨歸去徘徊欲損神

揖仙閣

結閣揖仙子疏塘臨隱扉。水花紅四出山竹翠相圍雲
度疑軒下鳥驚恐為飛蜀韞寧可恃投釣此忘歸

舟夜即事

火炬臨遙岸餘光照客舩水明魚中餌沙暖鷺忘眠感槩
無窮事遲回欲曉天山泉如有意枕上送滄溟

何處難忘酒二首 擬白樂天作

何處難忘酒英雄矢志秋廟堂生斧卓巖谷死伊周賦歛
中原因干戈四海愁此時無一盞難遣壯圖休

二

何處難忘酒君臣會合時深堂瑤堯舜密席坐卓夔和氣

萬物歡聲連四夷此時無一盞真負鹿鳴詩

送孫子高

蕩漾江南客融怡席上珍一樽相別酒千里獨歸人客路
貧堪病交情遠更親自慙兒女意失淚滴衣巾

送董傳

悠悠隴頭水日夜向西流行路未云已歸人空復愁文章
合用世顏髮未驚秋一聽秦聲罷還來上國遊

寄深州晃同年

秀色歸荒隴新聲換鬣毛日催花葉急雲避鴈行高駐馬
旌旗暖傳觴鼓吹豪班春不知負短髮為君憐

白雲然師

曰者一山中形骸槁木同苔爭菴徑路雲補衲穿空塵土
隨車轍波傳信施工昏昏老爾北應謝此高風

自白土村入北寺二首

木杪田家出城陰野迳分溜渠行碧玉畦稼卧黃雲薄槿
烟脂染深荷水麝焚夕陽人不見雞鷺自成群

二

雨過百泉出秋聲連衆山獨尋飛鳥外時渡亂流間坐石
偶成歇看雲相與還會須營一畝長此聽潺湲

題朱郎中白都莊

蕭灑桐廬守滄州寄一壘山光隔釣岸江氣雜炊煙藜杖
聽鳴觸籃輿看種田明時須共理此與在何年

父教授獨善堂

湖海十年舊林塘三畝餘靜非談者隱貧勝富人居列鼎
亦何有幅中聊自如猶應不獨善學子蒲階除

寄福公道人

帝力護禪林滄洲側布金樓依水月觀門接海潮音閒士
但軟語遊人多苦吟曾同方丈宿燈火夜沉七

身閑

身閑宜晚食歲晏忌晨興人自嘲便腹吾方樂曲肱睡蛇
雖不去夢虺已無憑寄語中林客思禪病未能

還家

還家豈不樂生事未應閑朝日已復出征鞍方更攀傷心

百道水闔目萬重山何以忘羈旅條然醉夢間

題湯泉壁示諸子有欲閑之意

吟哦一水上披寫衆峯間偶運非彭澤留名比峴山君才
今高稷家行古原頽平世雖多士安能勿地閑

和唐公舍人訪淨因

西城方外士傳法自南華高蹈玩一世旁通兼數家來遊
仁者淨傳詠正而葩乘興何時載還能託後車

沂溪懷正之

故人何處所天角浪漫上寂寞斷音驛徘徊愁肺肝世情
紛可怪旅况浩難安願化東南鵠高飛託羽翰

答許秀才

高陽有才子負笈求晨饋所趣少知者其辭多慨然樵妻
竟謝絕漂母嘗哀憐尚友古之人于今猶壯年

臨川王先生荆公文集卷第十五

臨川王先生荆公文集卷十六

律詩

五言八句

五言長篇附

次韻景仁雪齋

次韻范景仁二月五日夜風雪

次韻冲鄉過睢陽

荅冲鄉

得書知二弟附陳師道舟上汴

初憩和州

瘡起舍第尚未已示道原

送杜十八之廣南

昆山慧聚寺次張祐韻

黃鶴齋詩世經文辭尚古文入于今辭類平
高州下十首發本家韻仙妙小賦其體多別類

六江

江南

還自舅家書所感

世事

寄純甫

招丁元珍

遊杭州聖果寺

京兆杜嬰大醇卒以詩二首傷之

江上二日

夏夜舟中頗涼因有所感

孤桐

江

賈生

遲明

陪友人中秋夕賞月

慎縣修路者

河勢

送河間晁寺丞

暮春

遊北山

吳正仲得故人寄壁以詩謝之余次其韻

陳師道宰烏程縣

冬至

湯泉

讀鎮南邸報癸未四月作

擬和 御製賞花鈞

和吳冲鄉雪霽紫宸朝

和吳冲鄉集禧齋祠

送周都官通判湖州

雙廟

和于瞻同王勝之游蔣山

送鄆州知府宋諫議

見遠亭上王郎中

次韻景仁雪霽

新聲生屋雷殘點着這衣委翳無多在飄零不更飛切中
餘宿耀暖處台朝暉稍見青青色還從柳上歸

次韻范景仁二月五日夜風雪

何知此邂逅談笑接清揚對雪知春淺回燈惜夜長客雲
通炫晃殘月墮冥茫故有臨邛客 油毫與未忘

次韻冲鄉過睢陽

宮廟此神鄉留親泊楚艦天開今壯麗地積古悲涼不改
山河舊猶餘草木荒還聞足賓客誰是漢鄒陽

答冲鄉

風作九衢黃南窻坐正涼破瓜青玉美浮萍白雲香詩懶
猶能強官閑肯便忘賢愚各有用尺寸果誰長

得書知二弟附陳師道舟上汴

兒童聞太丘邂逅兩心投與汝今為伴知吾不復憂園桃

已解萸沙水欲驚舟一見南飛鴈江邊肯更留

初憩和州

衣足一囊弊粟餘三釜陳猶依食貧地已媿省煩人塵土
病催老風波愁過春詩書今在眼還欲討經綸

瘴起舍第尚未已示道原

側足呻吟地連夢瘴瘧秋窮鄉醫有絀小市藥難求肝膽
疑俱破筋骸漫獨瘳君遂從我契闊每同憂

送杜十八之廣南

東南炎海外尋訪又輸君過嶺猿啼暖食程馬送曠清談
消瘴藹秀句起煙雲及早來鄉薦朝廷尚右文

皂山慧聚寺次張祐韻

峯嶺互出沒江湖相吐吞園林浮海角臺殿擁山根百里
見漁艇萬家藏水村地偏來客少幽興祇桑門

吳江

莽莽昔登臨秋風一散襟地留孤嶼小天入五湖深
無千里魚鮓有萬金吾雖輕范蠡終欲此幽尋

江

靈源開闢有羸縮但相隨逆折山能礙奔流海與期
泥沙折蚌蛤雲雨暗蛟螭欲問深何許馮夷祇自知

江南

江南春起柁秋至尚波濤問舍才能定呼舟已復操行歌
付浩蕩歸夢得蕭騷舟已欲何補紛上為此勞

賈生

漢有洛陽子少年明是非所論多感槩自信肯依違死者
若可作今人誰與歸應須蹈東海不但涕沾衣

還自舅家書所感

行上過舅居歸路指親廬日苦樹無賴入空雲自如黃焦
下澤稻綠碎短樊蔬沮溺非吾意憫嗟聊駐車

世事

世事一何稠論心日已偷尚蒙今士笑宜見古人羞老圃
聊須問良田亦欲求非閑畏黷冕無責易身脩

寄純甫

塞上無花草飄風急我歸稍林聽澗落卷土看雲飛想子

當紅藥思家上翠微江寒亦未已好七著春衣

招丁元珍

默上不自得紛七何所為畫曼聊取食獵較且隨時秋入
江湖暗風王草樹悲黃花一盃酒思與故人持

游杭州聖果寺

登高見山水身在水中下視樓臺處空多樹不蒼浮雲
連海氣落日動湖光偶坐吹橫笛殘聲入富陽

京兆杜嬰大醇能讀書其言近莊其為人曠達
而廉清白託於醫無貴賤請之輒往卒也以詩
二首傷之

蕭瑟野衣巾能忘至老貧避置依市井蒙垢出埃塵接物

工齊物勞身耻為身傷心宿昔地不復見斯人

二

叔度醫家子君平卜肆翁蕭條昨日事髣髴古人風舊宅
兩生苗新叶寒轉蓬存亡誰一問嗟我亦窮空

江上二首

潮連風浩蕩沙引客淹留落日更清坐空江無近舟共看
兼葭宅耶耶稻梁謀未敢嗟艱食凶年半九州

二

書自江邊使鄉鄰病餓稠何言萬里客更作百身憂補敗
今誰郵趨生我自羞西帶雙病眼落日倚扁舟

夏夜舟中頗涼因有所感

扁身畏朝熱望夜倚梳櫬日共火雲退風兼水氣涼
未秋輕病骨微曙浣愁腸堅我江湖意滔滔興不忘

孤桐

天資自森森孤高幾百尋陵霄不屈已得此本虛心
歲老根彌壯陽驕葉更陰明時思解恨願斷五絃琴

遲明

歌枕浩無情遠上蜀遲明霜繁紅樹老雲月素蟾清
倦鵲猶三兩寒鷄未一鳴故山何處所應有曉猿驚

陪友人中秋夕賞月

海露看如洗秋陽望却昏光明疑不夜清瑩欲無申
掃涼風前坐留連露下尊若吟應到曉況有我思存

慎縣修路者

畚築今三歲康莊如一條何言野人意能助公君憂
勩力非無補論心豈有求十年空志食因汝起予羞

河勢

河勢浩難測禹功傳所聞今觀一川破復以二渠分
國論終將塞民嗟亦已勤無災等難必從衆在吾君

送河間晁寺丞

公孫富文墨名宇世多知談笑取高第茲歌當此時
臨河薪石費近塞蒲絲務緩急常愁此看君有所為

暮春

春期行晚晚春意曠芳菲曲水應修契披香未試衣
兩花紅半墜煙樹碧相依悵望夢中地王孫底不歸

遊北山

攬轡出東城登臨目暫明煙雲藏占意猿鶴弄秋聲
客坐苔紋滑僧眠樹蔭清賞心殊未已山下日西榮

吳正仲謫官得故人寄蟹以詩謝之余次其

韻

越客上荆初秋風憶把螯故煩分巨碗持用佐清樽
飲量寬滄海詩鋒捷五芳年餐飽腸味餘事付釣筒

陳師道宰烏程縣

嘗聞太丘長德不負公鄉墟墓今千載昆雲亦一城本懷
深開蓄餘論畧施行故自有仁政能傳家世聲

冬至

都城開傳路佳節一陽生喜見兒童色歡傳市井聲幽閑
亦聚集瓊麗各携擎却憶他年事閑商閉不行

湯泉

寒泉詩所詠獨此沸如蒸一氣無冬夏諸陽自廢興人游
不附火蟲出亦疑冰更憶驪山下歆然雲滿脛

讀鎮南邸報癸未四月作

賜詔寬言路登賢壯陛庶相期正在治素定不煩占衆喜
憂龍盛子虞絳灌儉太平詎可致天意慎猜嫌

擬和 御製賞花釣魚

雲暖蓬萊日風酣太液春水光承步輦花氣入鉤陳伏檻
留清暉傳觴屬從臣霏香連釣餌落葉亂游鱗鎬飲恩知
厚衢稱賜願均更看追夏諺先此詠逢辰

和吳沖卿雪霽紫宸朝

虎士開閭闔雞人唱九霄雲移銀闕角日轉玉卮腰箠動
川收潦靴鳴海上潮舞袍沾宿潤拜笏擁珠璣賜飲人何
樂歸嘶馬亦驕低徊但忘食吟詠得逍遙

和吳沖卿集禧齋祠

緘封祝辭密占為御名真帝座遙臨物星 俯映人風含
煙外節月點霧中茵沈霏升煙遠槐檣取 祈羽衣歸窵

冥金鐙立逡巡却想来時路還疑隔一塵

送周都官通判湖州

綠水烏程地青山顧渚濱酒醪猶羨好茶辨正芳新聚泛
樽前月分班焙上春仁風已入俗樂事始關身摘袖供南
貢楓槐望北宸知君白羽扇歸日未生塵

雙廟 張廷許遠

兩公天下駿無地與騰驤就死得處所至今猶耿光中原
擅兵革昔日幾侯王此獨身如在誰令國不亡北風次樹
急西日照窳涼志士千年淚冷然落莫觴

和子瞻同王勝之游蔣山 蘇序

子瞻同王勝之游蔣山有詩余愛其峰多巧障日江遠欲

浮天之句因次其韻

金陵限南北形勢豈其然楚役六千里陳亡三百年江山
空幕府風月自航船主送悲涼岸妃埋想故滿臺碩鳳久
去城踞虎爭偏司馬壩廟城獨龍層塔顛森時五願木塞
淺一人泉梳杖窮諸嶺監與罷半天朱門園混水碧瓦第
青煙墨客真能賦留詩野竹娟

送鄆州知府宋諫議

盛世千齡合宗工四海瞻天心初纓俊雲翼首離潛德望
完圭角儀形壯陛簾徐鳴蒼玉佩畫校碧牙籤綸掖清光
注盃坡茂溥露文明誠得王政瘼尚煩右府參機務東
塗蒼景炎廟謨資石書兵略倚珠鈴坐鎮均勞此齋居養

知恬謏謠喧井邑惠化穆蒼黔進律朝章舊疏恩物義
通班三殿遂徒部十城兼甲甫周之翰龜蒙尊所磨地靈
奎宿照野沃汶河漸首路龍旗盛提封虎節嚴賜衣纏紫
艾衛甲綴朱纒海谷移文省綵堂燕豆添班春回緝憶問
俗卷彤檮丹楹西巖命熊罷渭水占治裝行入覲金鼎重
調鹽

見陵亭上王郎中

高亭豁可望朝暮對谿山野色軒楹外霞光几席間樹侵
蒼靄沒鳥背夕陽還草帶平沙闊煙籠別戍閑圃畦荷氣
合田徑燒痕斑樵笛吟晴塢漁汛出暝灣登臨及芳節宴
喜發朱顏夾砌陳旌旆寒廉起佩環觀風南國最應宿紫

宸班康樂詩名權無正詁可攀

臨川王荊公先生文集卷十六



